

史記

冊
五



史記卷四十九

漢 太 史 令司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

外戚世家第十九

漢書則編之列傳中王隱則謂之紀而在列

首傳之

自古受命帝王及繼體守文之君業之繼體謂非創

繼先帝之正體而立者也守文者猶法也謂非非受命創制之君但守先帝法度為之主爾非獨內

德茂也蓋亦有外戚之助焉茂盛亦有獨君德於內

之親也助夏之興也以塗山禹所娶在今九江應劭

曰九江當塗有禹墟禹而桀之放也以末喜語桀伐

史記卷四十九 一中華書局聚

昭曰有施有施人姓以末喜女焉集解章殷之興也以有妣

契故詩云天命玄鳥降而生商是也蘇氏以妣音丁達反

妣己蘇國也己姓也妣字也包愷云妣音丁達反

周之興也以姜原及大任蘇國之系本云帝嚳上妃有

故詩云姜姓姬名履大任詩云擊國任稷大任中文王之母而

幽王之禽也淫於褒姒蘇國以褒姒幽王伐有褒國

然此文自夏之興至褒姒皆是史蘇之詞見國語及

列女故易基乾坤詩始關雎書美釐降春秋譏不親

迎蘇國公羊紀裂繻來逆女傳曰外逆也夫婦之際

人道之大倫也禮之用唯婚姻為兢兢夫樂調而四

時和陰陽之變萬物之統也蘇國以言若樂聲調能

陽變則能生萬物是陰陽即夫婦也夫婦道和而可

不憤與人能弘道無如命何甚哉妃匹之愛蘇國又妃

如君不能得之於臣索隱以言夫婦親愛之情雖使

移其本意是不可奪志也父之尊而不奪臣子所好愛使

既驩合矣或不能成子姓索隱鄭玄註禮記云姓者

等是也能成子姓矣或不能要其終索隱按謂有始不

雖有子姓而意不能要豈非命也哉孔子罕稱命蓋

難言之也非通幽明之變惡能識乎性命哉索隱惡

也於何也

太史公曰秦以前尚略矣其詳靡得而記焉漢興呂

娥姁集解徐廣曰姁音況羽反呂后姊字長姁索隱

為高祖正后男為太子及晚節色衰愛弛而戚夫人

有寵索隱漢書云其子如意幾代太子者數矣及高

祖崩呂氏夷戚氏誅趙王而高祖後宮唯獨無寵疎

遠者得無恙索隱爾雅云恙憂也一說古者野居露

呂后長女為宣平侯張敖妻敖女為孝惠皇后案隱

名謚云呂太后以重親故欲其生子萬方終無子詐取

後宮人子為子及孝惠帝崩天下初定未久繼嗣不

明於是貴外家王諸呂以為輔而以呂祿女為少帝

后欲連固根本牢甚然無益也高后崩合葬長陵案

翻案關中記曰高祖陵在西呂后陵在東漢帝后同塋則為合葬不合陵也諸陵皆如此祿產等

懼誅謀作亂大臣征之天誘其統集解徐廣卒滅呂

氏唯獨置孝惠皇后居北宮案隱在未央北故曰北

在雍州長安縣西北十三里迎立代王是為孝文帝

奉漢宗廟此豈非天耶非天命孰能當之

薄太后父吳人姓薄氏秦時與故魏王宗家女魏媼

通案隱媼音烏老反然媼是婦人之老者通號生薄

姬而薄父死山陰因葬焉案隱顧氏按冢墓記薄父

今猶有北域襟音莊洽反
越州會稽縣西北三里一名稷山
楸音莊洽反
及

諸侯畔秦魏豹立為魏王而魏媼內其女於魏宮媼
之許負所相相薄姬云當生天子是時項羽方與漢
王相距滎陽天下未有所定豹初與漢擊楚及聞許
負言心獨喜因背漢而畔中立更與楚連和漢使曹
參等擊虜魏王豹以其國為郡而薄姬輸織室豹已
死漢王入織室見薄姬有色詔內後宮歲餘不得幸
始姬少時與管夫人趙子兒相愛約曰先貴無相忘
己而管夫人趙子兒先幸漢王漢王坐河南宮成皋
臺

征記云按是河南宮之成皋臺漢書作成皋靈臺西

括地志云洛州汜水縣古東魏
州故鄭之制邑漢之成皋縣也
此兩美人相與笑薄

姬初時約漢王聞之問其故兩人具以實告漢王漢
王心慘然憐薄姬是日召而幸之薄姬曰昨暮夜妾

夢蒼龍據吾腹高帝曰此貴徵也吾為女遂成之一
 幸生男是為代王其後薄姬希見高祖高祖崩諸御
 幸姬戚夫人之屬呂太后怒皆幽之不得出宮而薄
 姬以希見故得出從子之代為代王太后太后弟薄
 昭從如代代王立十七年高后崩大臣議立後疾外
 家呂氏彊皆稱薄氏仁善故迎代王立為孝文皇帝
 而太后改號曰皇太后弟薄昭封為軹侯案地理志云軹縣
在河內沁地遠非其封案長安東有軹道亭或當是所封也薄太后母亦前死葬
 櫟陽北於是乃追尊薄父為靈文侯會稽郡置園邑
 三百家長丞已下吏奉守冢寢廟上食祠如法而櫟
 陽北亦置靈文侯夫人園如靈文侯園儀薄太后以
 為母家魏王後早失父母其奉薄太后諸魏有力者
 於是召復魏氏及尊賞賜各以親疏受之薄氏侯者

凡一人薄太后後文帝二年以孝景帝前二年崩葬

南陵

蔡隱按廟記云在霸陵南十里故謂之南陵西

南故曰東望吾子西望吾夫是也南陵故縣在雍州萬年縣東南二十四里括地志云南陵故縣在雍州萬年縣東南二十四里漢南陵縣本

薄太后陵在雍州萬年縣東南二十四里以呂后会葬長陵故特自起陵近

孝文皇帝霸陵

集解徐廣曰霸陵縣有軹道亭寶太后云名倚房

趙之清河觀津人也

縣東北二十五里呂太后時寶

姬以良家子入宮侍太后太后出宮人以賜諸王各

五人寶姬與在行中寶姬家在清河欲如趙近家請

其主遣宦者吏

謂宦者為吏必置我籍趙之伍

中宦者忘之誤置其籍代伍中籍奏詔可當行寶姬

涕泣怨其宦者不欲往相彊乃肯行至代代王獨幸

寶姬生女嫫

足消反後生兩男而代王王后生四

男先代王未入立為帝而王后卒後代王立為帝而

王后所生四男更病死孝文帝立數月公卿請立太

子而竇姬長男最長立為太子立竇姬為皇后女嫖

為長公主其明年立少子武為代王已而又徙梁是

為梁孝王竇皇后親早卒葬觀津案竇太后父少遭

秦亂隱身漁釣墜泉而死景帝立太后遣使者填父

所墜淵起大墳於觀津城南人閒號為竇氏青山

州括地志云竇少君墓在冀於是薄太后乃詔有司

追尊竇后父為安成侯母曰安成夫人令清河置園

邑二百家長丞奉守比靈文園法竇皇后兄竇長君

案隱決錄云弟曰竇廣國字少君少君年四五歲時

家貧為人所略賣其家不知其處傳十餘家至宜陽

為其主入山作炭寒臥岸下百餘人岸崩盡壓殺臥

者少君獨得脫不死自卜數日當為侯從其家之長

安案隱謂從逐其宜陽之主聞竇皇后新立家在觀

安人家而皆往長安為居也

津姓竇氏廣國去時雖小識其縣名及姓又常與其

姊採桑墮用為符信上書自陳竇皇后言之於文帝

召見問之具言其故果是又復問他何以為驗對曰

姊去我西時與我決於傳舍中索隱決別也傳音轉

舍蓋竇后初入宮時別其弟於傳舍之中也巧沐沐我索隱乞也沐音蓋巧者

乞潘為弟沐也請食飯我乃去於是竇后持之而泣泣涕交

橫下侍御左右皆伏地泣助皇后悲哀乃厚賜田宅

金錢封公昆弟家於長安索隱公亦祖也謂皇后同

從昆弟子之比亦得家於長安故劉氏云公昆弟謂廣國等也絳侯灌將軍等曰吾

屬不死命乃且縣此兩人兩人所出微不可不為擇

師傅賓客又復效呂氏大事也於是乃選長者士之

有節行者與居竇長君少君由此為退讓君子不敢

以尊貴驕人竇皇后病失明文帝幸邯鄲慎夫人尹

姬皆母子孝文帝崩孝景帝立乃封廣國為章武侯

索隱地理志云滄州屬勃海長君前死封其子彭祖

為南皮侯索隱地理志云滄州南皮縣北四里漢南皮

也縣吳楚反時竇太后從昆弟子竇嬰任俠自喜將兵

以軍功為魏其侯索隱地理志琅邪竇氏凡三人為侯竇

太后好黃帝老子言帝及太子諸竇不得不讀黃帝

老子尊其術竇太后後孝景帝六歲建元六年崩索隱

當武帝建元六年此文是也而漢書作元光誤也合葬霸陵遺詔盡以東宮

金錢財物賜長公主嫖

王太后槐里人索隱皇甫謐云后名姝音志地理志

云太丘故城一名槐里亦曰廢丘母曰臧兒臧兒者

故燕王臧荼孫也臧兒嫁為槐里王仲妻生男曰信

與兩女索隱即后及兒姁也而仲死臧兒更嫁長陵田氏生男

蚡勝臧兒長女嫁為金王孫婦生一女矣而臧兒卜

筮之曰兩女皆當貴因欲奇兩女紫隱奇者異之也漢書作倚倚依也

乃奪金氏金氏怒不肯予決乃內之太子宮太子幸

愛之生三女一男男方在身時王美人夢日入其懷

以告太子太子曰此貴徵也未生而孝文帝崩孝景

帝即位王夫人生男紫隱即武帝也漢武故事云帝以乙酉年七月七日生於猗蘭

也殿先是臧兒又入其少女兒紫隱况羽反兒音姁生四

男紫隱謂廣川王越膠東王寄清河王舜常山王憲也景帝為太子時薄太后

以薄氏女為妃及景帝立立妃曰薄皇后皇后母子

毋寵薄太后崩廢薄皇后景帝長男榮其母栗姬栗

姬齊人也立榮為太子長公主嫖有女欲予為妃栗

姬妬而景帝諸美人皆因長公主見景帝得貴幸皆

過栗姬紫隱戈謂踰之栗姬日怨怒謝長公主不許長公

主欲予王夫人王夫人許之長公主怒而日讒栗姬

短於景帝曰栗姬與諸貴夫人幸姬會常使侍者祝

唾其背挾邪媚道景帝以故望之索隱望猶責景帝

嘗體不安心不樂屬諸子為王者於栗姬曰百歲後

善視之栗姬怒不肯應言不遜景帝恚心嗾之而未

發也索隱嗾音銜猶恨也長公主日譽王夫人男之美

景帝亦賢之又有曩者所夢日符計未有所定王夫

人知帝望栗姬因怒未解陰使人趣大臣立栗姬為

皇后大行奏事畢索隱大行禮曰子以母貴母以子

貴索隱此皆公文也今太子母無號宜立為皇后景帝怒

曰是而所宜言邪遂案誅大行而廢太子為臨江王

栗姬愈恚恨不得見以憂死卒立王夫人為皇后其

男為太子封皇后兄信為蓋侯索隱地理志屬太山景帝崩

太子襲號為皇帝尊皇太后母臧兒為平原君正義

也封田蚡為武安侯正義地理志云武安故城在洛州武

安縣西南七里六國時勝為周陽侯正義地理志縣

趙邑漢武安縣城也正義勝為周陽侯正義地理志縣

括地志云周陽故城在絳景帝十三男一男為帝十

二男皆為王而兒姁早卒其四子皆為王王太后長

女號曰平陽公主正義括地志云平陽故城東面也正義城記

云堯次為南宮公主正義冀州南宮也次為林慮公主正義林慮

縣名屬河內本名隆慮避殤帝諱改蓋侯信好酒田

蚡勝貪巧於文辭王仲早死葬槐里追尊為共侯置

園邑二百家及平原君卒從田氏葬長陵置園比共

侯園而王太后後孝景帝十六歲以元朔四年崩合

葬陽陵正義括地志云陽陵在王太后家凡三人為

衛皇后字子夫生微矣蓋其家號曰衛氏

正續傳云父鄭

季為吏給事平陽侯家與侯妾衛媼通生青故冒衛氏

出平陽侯邑

集解徐廣曰平陽侯

曹壽尚平陽公主

子夫為平陽主謳者武帝初即位數歲無

子平陽主求諸良家子女十餘人飾置家武帝祓

徐廣曰三月祓還過軹道蓋與游字相似故或定之也

小顏祓音廢今亦音拂謂謂祓禊之遊水自潔故云祓除也霸上還因過平陽主

主見所侍美人上弗說既飲謳者進上望見獨說衛

子夫是日武帝起更衣子夫侍尚衣軒中得幸正義尚主

也於主衣車中得幸也上還坐驪甚賜平陽主金千斤主因奏

子夫奉送入宮子夫上車平陽主拊其背曰行矣疆

飯勉之即貴無相忘入宮歲餘竟不復幸武帝擇宮

人不中用者斥出歸之衛子夫得見涕泣請出上憐

之復幸遂有身尊寵日隆召其兄衛長君弟青為侍

中而子夫後大幸有寵凡生三女一男諸邑石邑及

衛長公主後封也男名據太子初上為太子時娶長

公主女為妃立為帝妃立為皇后姓陳氏故事云后

名阿嬌即長公主嫖女也曾祖父嬰無子上之得為

嗣大長公主有力焉景帝姊嫖也以故陳皇后驕

貴聞衛子夫大幸恚幾死者數矣上愈怒陳皇后挾

婦人媚道其事頗覺於是廢陳皇后漢書云女

皇后呪詛大逆無道相連誅者三百餘人乃廢后居

長門宮故司馬相如賦云陳皇后別在長門宮愁悶

悲思奉黃金百斤為相如取酒乃為作頌以奏而立

衛子夫為皇后陳皇后母大長公主景帝姊也數讓

武帝姊平陽公主曰帝非我不得立已而棄捐吾女

壹何不自喜而倍本乎平陽公主曰用無子故廢耳

陳皇后求子與醫錢凡九千萬然竟無子衛子夫已

立為皇后先是衛長君死乃以衛青為將軍擊胡有

功封為長平侯紫隱地理志汝南

青三子在襁褓中皆封為列侯及衛皇后所謂姊衛少兒少兒生子霍去病

以軍功封冠軍侯紫隱地理志河陽號驃騎將軍青號大

將軍立衛皇后子據為太子衛氏枝屬以軍功起家

五人為侯及衛后色衰趙之王夫人幸有子為齊王

紫隱王夫人早卒而中山李夫人有寵有男一人為

昌邑王紫隱名購李夫人早卒紫隱李延年之女弟

翁致其形其兄李延年以音幸號協律協律者故倡

也兄弟皆坐姦族是時其長兄廣利為貳師將軍伐

大宛不及誅還而上既夷李氏後憐其家乃封為海

西侯正義漢武帝令李廣利征大他姬子二人為燕

王廣陵王紫隱漢書云李姬生其母無寵以憂死及

李夫人卒則有尹婕妤之屬更有寵然皆以倡見非王侯有士之女士不可以配人主也

褚先生曰正義疑此元成之也臣為郎時問習漢家

故事者鍾離生曰王太后在民間時所生子女者

集解徐廣曰名俗父為金王孫王孫已死景帝

崩後武帝已立王太后獨在而韓王孫名嫣素得

幸武帝承間白言太后有女在長陵也武帝曰何

不早言乃使使往先視之在其家武帝乃自往迎

取之蹕道先驅旄騎出橫城門集解如淳曰橫音

面西頭門正義括地志云渭橋本名橫橋架渭水上在淮州咸陽縣東南二十二里按此橋對門也

乘輿馳至長陵當小市西入里里門閉暴開門乘

輿直入此里通至金氏門外止使武騎圍其宅為

其亡走身自往取不得也即使左右羣臣入呼求

之家人驚恐女亡匿內中牀下扶持出門令拜謁

武帝下車泣曰嘆索隱烏百反蓋陰之辭爾大姊

何藏之深也詔副車載之迴車馳還而直入長樂

宮行詔門著引籍正義武帝道上詔令通名通到

謁太后太后曰帝倦矣何從來帝曰今者至長陵

得臣姊與俱來顧曰謁太后太后曰女某邪曰是

也太后為下泣女亦伏地泣武帝奉酒前為壽奉

錢千萬奴婢三百人公田百頃甲第以賜姊太后

謝曰為帝費焉於是召平陽主南宮主林慮主三

人俱來謁見姊因號曰修成君有子男一人女一

人男號為修成子仲索隱金氏之甥修成君之子

同字恐女為諸侯王王后集解徐廣曰嫁為淮此

非也二子非劉氏以故太后憐之修成子仲驕恣陵折

吏民皆患苦之

衛子夫立為皇后后弟衛青字仲卿以大將軍封為長平侯四子長子伉為侯世子侯世子常侍中貴幸其三弟皆封為侯各千三百戶一曰陰安侯

索隱名不疑地志陰安故城在魏州頓丘縣北六十里也

一曰發干侯索隱名登地志發干故城在博州堂邑縣

十三里二曰宜春侯索隱名伉地志宜春縣名

故城在豫州汝陽正義括地志云宜春

喜生女無怒獨不見衛子夫霸天下是時平陽主

寡居當用列侯尚主主與左右議長安中列侯可

為夫者皆言大將軍可主笑曰此出吾家常使令

騎從我出入爾奈何用為夫乎左右侍御者曰今

大將軍姊為皇后三子為侯富貴振動天下主何

以易之乎於是主乃許之言之皇后令白之武帝乃詔衛將軍尚平陽公主焉

褚先生曰丈夫龍變傳曰蛇化為龍不變其文家化為國不變其姓丈夫當時富貴百惡滅除光耀榮華貧賤之時何足累之哉

武帝時幸夫人尹婕妤索隱云美昭也聲類云幸也字亦從女漢舊儀比丞相后邢夫人號姪娥衆人謂

之姪何誕音生服虔云姪音近姪徐廣音五耕反鄒

長也好也許慎云秦晉之間謂姪好為姪又方言云

美貌謂之姪娥漢舊儀云姪謂姪比將軍御史大

夫姪何秩比中二千石制九卿已上秩一歲滿也漢

千斛又漢官儀云中二千石容華秩比二千石

郡守之秩漢官儀云其俸月百二十斛又真二千石

漢律真二千石也崔浩云二萬按是上秩石皆正二萬千

石則是真二千石也其云中二千石亦不滿二婕
千蓋千八九百爾此崔氏說今兼引而解之

好秩比列侯常從婕妤遷爲皇后尹夫人與邢夫
人同時並幸有詔不得相見尹夫人自請武帝願
望見邢夫人帝許之卽令他夫人飾從御者數十
人爲邢夫人來前尹夫人前見之曰此非邢夫人
身也帝曰何以言之對曰視其身貌形狀不足以
當人主矣於是帝乃詔使邢夫人衣故衣獨身來
前尹夫人望見之曰此真是也於是乃低頭俛而
泣自痛其不如也諺曰美女入室惡女之仇
褚先生曰浴不必江海要之去垢馬不必騏驎要
之善走士不必賢世要之知道女不必貴種要之
貞好傳曰女無美惡入室見妬士無賢不肖入朝
見嫉美女者惡女之仇豈不然哉

鈞弋夫人姓趙氏河間人也

索隱漢書云武帝過河間望氣者言此有

奇女天子亟使使召之夫兩手皆拳上自披之手即伸由是得幸號曰拳夫人後居鈞弋宮號曰鈞

弋夫人列僊傳云發手得一玉鈞故號焉黃圖云鈞弋宮在城外漢武故事云宮在直門南廟記云

宮有千門萬戶不可記其名也昭帝即位追尊太后父趙父為順成侯正義括地志云鈞弋宮在長

安城中門名得幸武帝生子一人昭帝是也武帝

年七十乃生昭帝昭帝立時年五歲爾

集解徐廣曰武帝崩

年正七十昭帝年八歲爾索隱此褚先生之記漢書云元始三年生昭帝又誤按元始當作太始也

衛太子廢後未復立太子而燕王旦上書願歸國

入宿衛武帝怒立斬其使者於北闕上居甘泉宮

召畫工圖畫周公負成王也於是左右羣臣知武

帝意欲立少子也後數日帝譴責鈞弋夫人夫人

脫簪珥叩頭帝曰引持去送掖庭獄夫人還顧帝

曰趣行女不得活夫人死雲陽宮

索隱三輔故事云葬甘泉宮南

後昭帝起雲陵邑三千戶漢武故事云既殯正義括地

十里云秦陽宮秦之甘泉宮去長安三百里黃帝以來

祭園丘時暴風揚塵百姓感傷使者夜持棺往葬

之正義括地志云雲陽陵漢鈞弋夫入陵也在雲

之望氣者云東北有貴人推而得之召到姿色甚

佳武帝持其手伸之得玉鈎後生昭帝武帝末年

履也宮記云武帝思之為起通靈臺於甘泉封識

其處其後帝閒居問左右曰人言云何左右對曰

人言且立其子何去其母乎帝曰然是非兒曹愚

人所知也往古國家所以亂也由主少母壯也女

主獨居驕蹇淫亂自恣莫能禁也女不聞呂后邪

故諸為武帝生子者無男女其母無不譴死豈可

謂非賢聖哉昭然遠見為後世計慮固非淺聞愚

儒之所及也諡爲武豈虛哉

索隱述贊曰禮貴夫婦垂軒德著任似慶流城嫫建
居尊河洲降淑天曜垂軒德著任似慶流城嫫建
我炎曆斯道克存呂權大寶善玄言自
茲已降立嬖以恩內無常主後嗣不繁

史記卷四十九

史記卷四十九考證

外戚世家於是廢陳皇后索隱廢后居長門宮故司馬相如賦云陳皇后別在長門宮愁悶悲思奉黃金百斤爲相如取酒乃爲作頌以奏皇后復親幸作頌信工也復親幸之恐非實也○臣照按復幸之說不虛但不復其位耳觀下文求子云云非復幸於帝亦何求之有

而中山李夫人有寵有男一人爲昌邑王索隱名膊正義名賀○臣照按昌邑哀王髡李夫人子也賀乃髡子入立而復廢者正義誤

而上旣夷李氏後憐其家乃封爲海西侯○余有丁曰匈奴大宛傳廣利封時李氏未誅後以將軍伐匈奴聞其家用巫蠱族乃降匈奴此文誤

褚先生曰○臣照按正義文則是張守節時尚無褚先生曰四字故有此注此四字後人所加

衛青四子長子伉爲侯世子其三弟皆封爲侯○臣照按衛將軍傳青三子伉爲宜春侯不疑爲陰安

史記卷五十

漢 太史 令司馬遷 撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

楚元王世家第二十

楚元王劉交者高祖之同母少弟也字游年表云都彭城

集解徐廣曰一作父索隱漢書作同父言同父以明異母也高祖兄弟四人長兄

伯伯蚤卒始高祖微時嘗辟事時時與賓客過巨嫂

食集解徐廣曰漢書云丘嫂也索隱劉氏云巨一作丘應劭云丘姓也孟康云丘空也兄上空有嫂也

今此作巨嫂也大嫂厭叔叔與客來嫂詳為羹盡櫟釜

索隱櫟音歷謂以杓歷釜旁使為聲漢書作轅音勞賓客以故去已而視釜中

尚有羹高祖由此怨其嫂及高祖為帝封昆弟而伯

子獨不得封太上皇以爲言高祖曰某非忘封之也

爲其母不長者耳於是乃封其子信爲羹頡侯集解徐廣

曰羹頡侯以高祖七年封十三年高后元年有罪

削爵一級爲關內侯羹頡侯號非縣名以其櫟

釜故也正義括地志云羹頡山在媯州懷戎縣東而

南十五里按高祖取其山名爲侯號者怨故也而

王次兄仲於代集解徐廣曰次兄名喜字仲以六年

立爲代王其年罷卒諡頃王有子曰

高祖六年已禽楚王韓信於陳乃以弟交爲楚王

都彭城索隱漢書云楚王王薛郡卽位二十三年卒

子夷王郢立索隱漢書名郢客也夷王四年卒子王戊立王戊

立二十年冬坐爲薄太后服私姦削東海郡索隱漢

姦服舍中姚察云姦於服舍非必宮中又按春戊與

吳王合謀反其相張尙太傅趙夷吾諫不聽戊則殺

尙夷吾起兵與吳西攻梁破棘壁棘壁故城在宋州寧

陵縣西七十里至昌邑南棘壁故城在曹州成武縣東北三

十二里也與漢將周亞夫戰漢絕吳楚糧道士卒飢吳王

走楚王戊自殺軍遂降漢漢已平吳楚孝景帝欲以

德侯子續吳集解徐廣曰德侯名廣吳王濞之弟也其父曰仲以元王子禮

續楚竇太后曰吳王老人也宜為宗室順善今乃首

率七國紛亂天下奈何續其後不許吳許立楚後是

時禮為漢宗正乃拜禮為楚王奉元王宗廟是為楚

文王文王立三年卒子安王道立安王二十二年卒

子襄王經立襄王立十四年卒子王純代立王純立

地節二年中入上書告楚王謀反王自殺國除入漢

為彭城郡集解徐廣曰純立十七年卒謚節三子延壽立十九年死索隱太史公唯記王純為

國人不告反國除蓋延壽後更封至十九年又謀反誅

死故不齊謀反延壽自去天漢四年二十九年除與此

同地節是宣帝二年號去天漢四年二十九年除與此

帝世言到地節二年以中下者蓋褚先生誤也

趙王劉遂者其父高祖中子正義云都邯鄲名友諡曰幽

幽王以憂死故為幽高后王呂祿於趙一歲而高后

崩大臣誅諸呂呂祿等乃立幽王子遂為趙王孝文

帝即位二年立遂弟辟彊正義音壁疆又音開疆取趙之河間

郡為河間王以為文王正義河間也今瀛州也立十三年卒子哀

王福立一年卒無子絕後國除入于漢遂既王趙二

十六年孝景帝時坐晁錯以適削趙王常山之郡吳

楚反趙王遂與合謀起兵其相建德內史王悍諫不

聽索隱建德其相名史先失姓也遂燒殺建德王悍發兵屯其西界

欲待吳與俱西北使匈奴與連和攻漢漢使曲周侯

酈寄擊之趙王遂還城守邯鄲相距七月吳楚敗於

梁不能西匈奴聞之亦止不肯入漢邊欒布自破齊

還乃并兵引水灌趙城趙城壞趙王自殺邯鄲遂降

正義邯鄲也
趙幽王絕後

太史公曰國之將興必有禎祥君子用而小人退國

之將亡賢人隱亂臣貴使楚王戊毋刑申公遵其言

索隱漢書申公名趙任防與先生集解駟案趙堯傳

培王戊胥靡之索隱此及漢書雖不見趙不用防與公蓋當時猶

有篡殺之謀為天下僂哉賢人乎賢人乎非質有其

內惡能用之哉甚矣安危在出令存亡在所任誠哉

是言也

索隱述贊曰漢封同姓楚有令名既滅韓信王失

彭城穆生致醴韋孟作程王戊棄德與吳連兵太

后命禮為楚罪輕文襄繼立世挺才英如

何趙遂代殞厥聲興亡之兆所任宜明

史記卷五十

身言也

內惡彌服之若其矣也

有黨發之若為天不

相也

之殊工

太史公曰

國文殊興

王

史記卷五十考證

楚元王世家嫂詳爲羹盡櫟釜索隱謂以杓歷釜旁
使爲聲○杓歷釜監本訛作枸歷蚤今改正

戊則殺尚夷吾○徐孚遠曰則殺疑賊殺也

取趙之河間郡爲河間王以爲文王立十三年卒○

臣照按文義似當云取趙之河間郡以爲河間王
文王立十三年卒

史記卷五十考證

史記卷五十一

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

荆燕世家第二十一

荆王劉賈諸劉者不知其何屬吳也漢書賈高帝從

父兄或別有所見也初起時漢王元年還定三秦

劉賈為將軍定塞地林之塞從東擊項籍漢四年

漢王之敗成皋北渡河得張耳韓信軍軍修武深溝

高壘使劉賈將二萬人騎數百渡白馬津入楚地

括地志云黎陽一名白馬津在滑州白馬燒其積聚

以破其業無以給項王軍食已而楚兵擊劉賈賈輒

史

記 卷五十一

一中華書局聚

壁不肯與戰而與彭越相保漢五年漢王追項籍至

固陵集解徐廣曰在陽夏正義括地志云固陵西北四十二里使劉賈

南渡淮圍壽春壽春縣是也還至使人間招楚大司

馬周殷周殷反楚佐劉賈舉九江迎武王黥布兵皆

會垓下共擊項籍漢王因使劉賈將九江兵與太尉

盧綰西南擊臨江王共尉尉之子共尉已死以臨江

為南郡正義今漢六年春會諸侯於陳陳州也廢楚

王信囚之分其地為二國當是時也高祖子幼昆弟

少又不賢欲王同姓以鎮天下乃詔曰將軍劉賈有

功及擇子弟可以為王者羣臣皆曰立劉賈為荆王

王淮東五十二城表云劉賈都吳又漢書以東

東正義括地志云西北高祖弟交為楚王王淮西三

十六城泗濠等州也因立子肥為齊王始王昆弟

劉氏也高祖十一年秋淮南王黥布反東擊荆荆王

賈與戰不勝走富陵索隱地理志云富陵故城在楚州盱

六盱縣東北為布軍所殺高祖自擊破布十二年立沛

侯劉濞為吳王王故荆地

燕王劉澤者諸劉遠屬也集解案漢書澤高祖從

遠子春說張卿云劉澤宗家也按言宗家似疎高帝三

年澤為郎中高帝十一年澤以將軍擊陳豨得王黃

為營陵侯索隱地理志縣名在北海

后時齊人田生游乏資以畫干營陵侯澤集解晉灼

曰秋田子春服虔曰以計畫干之也文穎澤大說之用

金二百斤為田生壽田生已得金即歸齊二年澤使

人謂田生曰弗與矣集解孟康曰與黨與言不復與

知田生如長安不見澤而假大宅令其子求事呂后

所幸大謁者張子卿案如淳曰闕人名澤駟居數月田

生子請張卿臨親修具張卿許往田生盛帷帳共具

譬如列侯張卿驚酒酣乃屏人說張卿曰臣觀諸侯

王邸第百餘皆高祖一切功臣案此非如他一切

訓權也今呂氏雅故本推轂高帝就天下呂公知高祖

相貴以女妻之推轂使為長者贊曰謂諸呂共推轂

高祖征伐成帝業雅正意也素欲前進塗然也推音昌誰反功至大又親戚太后

之重太后春秋長諸呂弱太后欲立呂產為呂王王

代太后又重發之集解文穎曰欲發之恐大臣不聽今卿最幸大臣所敬何不風大臣以聞太后太

后必喜諸呂已王萬戶侯亦卿之有封張卿為建陵

侯太后心欲之而卿為內臣不急發恐禍及身矣張

卿大然之乃風大臣語太后太后朝因問大臣大臣

卿大然之乃風大臣語太后太后朝因問大臣大臣

請立呂產為呂王太后賜張卿千斤金張卿以其半

與田生田生弗受說之曰呂產王也諸大臣未大服

今營陵侯澤諸劉為大將軍獨此尚缺望決又音窺

睡反今卿言太后列十餘縣王之彼得王喜去諸呂王

益固矣張卿入言太后然之乃以營陵侯劉澤為琅

邪王琅邪王乃與田生之國田生勸澤急行毋留出

關太后果使人追止之已出即還及太后崩琅邪王

澤乃曰帝少諸呂用事劉氏孤弱乃引兵與齊王合

謀西集解駟案漢書音義曰澤至齊為齊王所劫不

齊合謀也索隱漢書齊王傳去使祝午劫琅邪王至

齊因留琅邪王不得反國澤乃說求入關齊乃送之

與此文不同者劉氏以為燕齊兩史各言其主欲誅

諸呂至梁聞漢遣灌將軍屯滎陽澤還兵備西界遂

跳驅至長安集解駟案漢書音義曰跳驅馳至長安

史記卷五十一 三一中華書局聚

疾去也代王亦從代至諸將相與琅邪王共立代王為

天子天子乃徙澤為燕王乃復以琅邪予齊復故地

集解李奇曰本齊地分以王澤今復與齊也澤王燕二年薨諡為敬王傳

子嘉為康王至孫定國與父康王姬奸生子男一人

奪弟妻為姬與子女三人奸定國有所欲誅殺臣肥

如令郢人集解如淳曰定國自欲有所殺餘臣肥如

名令郢人以告定國也小顏以為定國欲有所誅殺

餘臣而肥如令郢人乃告定國也按地理志肥如在

西郢人等告定國定國使謁者以他法劾捕格殺郢

人以滅口至元朔元年郢人昆弟復上書具言定國

陰事以此發覺詔下公卿皆議曰定國禽獸行亂人

倫逆天當誅上許之定國自殺國除為郡

太史公曰荆王王也由漢初定天下未集故劉賈雖屬疎然以策為王填淮江之間劉澤之王權激呂氏

索隱謂田子春欲王劉澤先使張卿說封呂產然劉

乃恐以大臣缺望澤卒得王故為權激諸呂也

澤卒南面稱孤者三世事發相重豈不為偉乎集解晉灼

曰澤以金與田生以事張卿張卿言之呂后而劉澤

得王故曰事發相重或曰事起於相重也索隱謂先

相重也偉盛也蓋盛其能激發也

索隱述贊曰劉賈初從首定三秦既渡白馬遂圍

壽春始迎黥布絕間周殷賞功胙土與楚為隣營

陵始爵勳由擊陳田生遊說受賜千斤權

激諸呂事發榮身徙封傳嗣亡於郢人

史記卷五十一

人子孝而本一好女三人好定國有所欲則教臣

人子孝而本一好女三人好定國有所欲則教臣

人子孝而本一好女三人好定國有所欲則教臣

人子孝而本一好女三人好定國有所欲則教臣

人子孝而本一好女三人好定國有所欲則教臣

人子孝而本一好女三人好定國有所欲則教臣

史記卷五十一考證

荆燕世家使劉賈將二萬人騎數百渡白馬津入楚地燒其積聚○按高紀此事在漢三年項羽本紀與此俱作漢四年

漢五年漢王追項籍至固陵使劉賈南渡淮圍壽春○高紀在四年

以畫干營陵侯澤集解文穎曰以工畫得寵也○黃氏曰抄曰田生所干劉澤之畫卽明年所施於張子卿之計曰弗與云者弗與我施行所畫促之之辭爾澤劉氏也而王諸呂乃出其計其罪大矣故太史公之贊曰劉澤之王權徼呂氏而釋之者弗察謂畫爲工畫謂與爲黨與夫於干劉澤不言其所畫而於干張子卿言之文法之相爲先後如此而釋之者弗能察故夫史遷之文深遠矣

史記卷五十一考證

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十一

史記卷五十二

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

齊悼惠王世家第二十二

齊悼惠王劉肥者高祖長庶男也正義年表云都臨淄其母外

婦也曰曹氏高祖六年立肥為齊王食七十城諸民

能齊言者皆予齊王索隱謂其語音及名物異於楚魏孟康云此時人多流亡故使

齊言者皆齊王孝惠帝兄也孝惠帝二年齊王入朝

惠帝與齊王燕飲亢禮如家人索隱謂齊王是兄不為君臣禮而乃自亢

敵如家人行兄弟之禮故太后怒呂太后怒且誅齊王齊王懼不得

脫乃用其內史勳計獻城陽郡以為魯元公主湯沐

邑

正義括地志云濮州雷澤縣本漢城陽縣按後為郡也

呂太后喜乃得辭就

國悼惠王即位十三年以惠帝六年卒子襄立是為

哀王哀王元年孝惠帝崩呂太后稱制天下事皆決

於高后二年高后立其兄子酈侯呂台為呂王

徐廣

曰酈一作酈音貽呂后兄子

酈縣名在馮翊酈縣在南陽台音貽呂后兄子

志云故酈城在鄧州新縣西北四十里蓋此縣是也

割齊之濟南郡為呂王

奉邑

正義括地志云濟南故城在淄州長山縣西北三十五里

哀王三年其弟章

入宿衛於漢呂太后封為朱虛侯

正義地志屬琅邪以呂

祿女妻之後四年封章弟興居為東牟侯

正義地志屬

東萊皆宿衛長安中哀王八年高后割齊琅邪郡

也州立營陵侯劉澤為琅邪王其明年趙王友入朝幽

死于邸三趙王皆廢高后立諸呂為三王

徐廣曰燕趙梁

擅權用事朱虛侯年二十有氣力忿劉氏不得職嘗

入侍高后燕飲高后令朱虛侯劉章爲酒吏章自請
曰臣將種也請得以軍法行酒高后曰可酒酣章進
飲歌舞已而曰請爲太后言耕田歌高后兒子畜之
笑曰顧而父知田耳若生而爲王子安知田乎

索隱
顧猶

念也而及
若皆訓汝

章曰臣知之太后曰試爲我言田章曰深

耕穰種立苗欲疏非其種者鋤而去之呂后默然頃
之諸呂有一人醉亡酒章追拔劍斬之而還報曰有
亡酒一人臣謹行法斬之太后左右皆大驚業已許
其軍法無以罪也因罷自是之後諸呂憚朱虛侯雖
大臣皆依朱虛侯劉氏爲益彊其明年高后崩趙王
呂祿爲上將軍呂王產爲相國皆居長安中聚兵以
威大臣欲爲亂朱虛侯章以呂祿女爲婦知其謀乃
使人陰出告其兄齊王欲令發兵西朱虛侯東牟侯

為內應以誅諸呂因立齊王為帝齊王既聞此計乃

與其舅父駟鈞郎中令祝午中尉魏勃陰謀發兵

舅謂舅父猶姨稱姨母齊相召平聞之廣陵人召平與東

似別人也功封黎侯也乃發卒衛王宮魏勃給召平

曰王欲發兵非有漢虎符驗也而相君圍王固善勃

請為君將兵衛衛王召平信之乃使魏勃將兵圍王

宮勃既將兵使圍相府召平曰嗟乎道家之言當斷

不斷反受其亂乃是也遂自殺於是齊王以駟鈞為

相魏勃為將軍祝午為內史悉發國中兵使祝午東

詐琅邪王曰呂氏作亂齊王發兵欲西誅之齊王自

以兒子年少不習兵革之事願舉國委大王大王自

高帝將也習戰事齊王不敢離兵服虔云不敢

使臣請大王幸之臨菑見齊王計事并將齊兵以西

平關中之亂琅邪王信之以爲然西馳見齊王齊王與魏勃等因留琅邪王而使祝午盡發琅邪國而并將其兵琅邪王劉澤既見欺不得反國乃說齊王曰齊悼惠王高皇帝長子推本言之而大王高皇帝適長孫也當立今諸大臣狐疑未有所定而澤於劉氏最爲長年大臣固待澤決計今大王留臣無爲也不如使我入關計事齊王以爲然乃益具車送琅邪王琅邪王既行齊遂舉兵西攻呂國之濟南於是齊哀王遺諸侯王書曰高帝平定天下王諸子弟悼惠王於齊悼惠王薨惠帝使留侯張良立臣爲齊王惠帝崩高后用事春秋高聽諸呂擅廢高帝所立又殺三趙王

正義 王恢徙燕趙並高祖子也 滅梁燕趙 正義 梁王

梁王恢徙趙 正義 以王諸呂分齊國爲四 正義 謂濟南琅

史記 卷五十一 三 中華書局聚

四也正義琅邪郡封劉澤濟南郡以為

惑亂不聽今高后崩皇帝春秋富索隱忠臣進諫上

賈竭故謂未能治天下固恃大臣諸將今諸呂又擅

自尊官聚兵嚴威劫列侯忠臣矯制以令天下宗廟

所以危今寡人率兵入誅不當為王者漢聞齊發兵

而西相國呂產乃遣大將軍灌嬰東擊之灌嬰至滎

陽乃謀曰諸呂將兵居關中欲危劉氏而自立我今

破齊還報是益呂氏資也乃留兵屯滎陽使使喻齊

王及諸侯與連和以待呂氏之變而共誅之齊王聞

之乃西取其故濟南郡亦屯兵於齊西界以待約呂

祿呂產欲作亂關中朱虛侯與太尉勃丞相平等誅

之朱虛侯首先斬呂產於是太尉勃等乃得盡誅諸

呂而琅邪王亦從齊至長安大臣議欲立齊王而琅

邪王及大臣曰齊王母家駟鈞惡戾虎而冠者也

張晏曰言鈞惡戾如虎而著冠方以呂氏故幾亂天下今又立齊王

是欲復為呂氏也代王母家薄氏君子長者且代王

又親高帝子於今見在且最為長以子則順以善人

則大臣安於是大臣乃謀迎立代王而遣朱虛侯以

誅呂氏事告齊王令罷兵灌嬰在滎陽聞魏勃本教

齊王反既誅呂氏罷齊兵使使召責問魏勃勃曰失

火之家豈暇先言大人而後救火乎索隱此蓋舊俗

急不暇先啓家長也亦猶因退立股戰而栗恐不能

言者終無他語灌將軍熟視笑曰人謂魏勃勇妄庸

人耳索隱妄庸劣之人何能為乎乃罷魏勃索隱罷謂

遣魏勃父以善鼓琴見秦皇帝及魏勃少時欲求見

齊相曹參家貧無以自通乃常獨早夜掃齊相舍人

門外相舍人怪之以為物而伺之案隱姚氏得勃勃

曰願見相君無因故為子掃欲以求見於是舍人見

勃曹參因以為舍人一為參御言事參以為賢言之

齊悼惠王悼惠王召見則拜為內史始悼惠王得自

置二千石及悼惠王卒而哀王立勃用事重於齊相

王既罷兵歸而代王來立是為孝文帝孝文帝元年

盡以高后時所割齊之城陽琅邪濟南郡復與齊而

徙琅邪王王燕益封朱虛侯東牟侯各二千戶是歲

齊哀王卒太子側立是為文王齊文王元年漢以齊

之城陽郡立朱虛侯為城陽王以齊濟北郡正義今濟州

北王所都立東牟侯為濟北王二年濟北王反漢誅殺之

地入于漢後二年孝文帝盡封齊悼惠王子罷軍等

七人皆為列侯正義罷音不齊文王立十四年卒無子國

除地入于漢後一歲孝文帝以所封悼惠王子分齊

為王齊孝王將闔以悼惠王子揚虛侯為齊王故齊

別郡盡以王悼惠王子子志為濟北王子辟光為濟

南王子賢為菑川王子邛為膠西王子雄渠為膠東

王與城陽齊凡七王索隱謂將闔為齊王志為濟北

川王章城陽王齊孝王十一年吳王濞楚王戊反興

兵西告諸侯曰將誅漢賊臣鼂錯以安宗廟膠西膠

東菑川濟南皆擅發兵應吳楚欲與齊齊孝王狐疑

城守不聽三國兵共圍齊集解張晏曰膠西濟南也齊王使路

中大夫告於天子集解張晏曰姓路為中大夫索隱

譜中大夫名邛也邛五剛反天子復令路中大夫還告齊王善堅

守吾兵今破吳楚矣路中大夫至三國兵圍臨菑數

重無從入三國將劫與路中大夫盟曰若反言漢已

破矣齊趣下三國不且見屠路中大夫既許之至城
 下望見齊王曰漢已發兵百萬使太尉周亞夫擊破
 吳楚方引兵救齊齊必堅守無下三國將誅路中大
 夫齊初圍急陰與三國通謀約未定會聞路中大夫
 從漢來喜及其大臣乃復勸王毋下三國居無何漢
 將欒布平陽侯等兵至齊案隱平陽侯曹奇擊破三國
 兵解齊圍已而復聞齊初與三國有謀將欲移兵伐
 齊齊孝王懼乃飲藥自殺景帝聞之以為齊首善以
 迫劫有謀非其罪也乃立孝王太子壽為齊王是為
 懿王續齊後而膠西膠東濟南菑川王咸誅滅地入
 于漢徙濟北王王菑川齊懿王立二十二年卒子次
 景立是為厲王齊厲王其母曰紀太后太后取其弟
 紀氏女為厲王后王不愛紀氏女太后欲其家重寵

索隱重直龍反謂令其長女紀翁主入王宮索隱如

欲世寵貴於王宮正其後宮毋令得近王欲令愛

紀氏女王因與其姊翁主奸齊有宦者徐甲入事漢

皇太后索隱謂王太皇太后有愛女曰修成君修成

君非劉氏集解張晏曰王太后憐之修成君有女

名娥太后欲嫁之於諸侯宦者甲乃請使齊必令王

上書請娥皇太后喜使甲之齊是時齊人主父偃知

甲之使齊以取后事亦因謂甲即事成幸言偃女願

得充王後宮甲既至齊風以此事紀太后大怒曰王

有后後宮具備且甲齊貧人急集解徐廣乃為宦者

入事漢無補益乃欲亂吾王家且主父偃何為者乃

欲以女充後宮徐甲大窮還報皇太后曰王已願尚

娥然有一害恐如燕王燕王者與其子昆弟姦新坐

以死亡國故以燕感太后太后曰無復言嫁女齊事

事浸薄不得聞於天子主父偃由此亦與齊有郤主

父偃方幸於天子用事因言齊臨蓄十萬戶市租千

金索隱市租謂所賣之物出租日人衆殷富巨於長

安此非天子親弟愛子不得王此今齊王於親屬益

疎乃從容言呂太后時齊欲反吳楚時孝王幾為亂

今聞齊王與其姊亂於是天子乃拜主父偃為齊相

且正其事主父偃既至齊乃急治王後宮宦者為王

通於姊翁主所者令其辭證皆引王王年少懼大罪

為吏所執誅乃飲藥自殺絕無後是時趙王懼主父

偃一出廢齊恐其漸疎骨肉乃上書言偃受金及輕

重之短索隱謂偃挾齊不娶女之恨因言齊之短為

也天子亦既囚偃公孫弘言齊王以憂死毋後國入

漢非誅偃無以塞天下之望遂誅偃齊厲王立五年

死毋後國入于漢齊悼惠王後尚有二國城陽及菑

川菑川地比齊天子憐齊為悼惠王冢園在郡割臨

菑東環悼惠王冢園邑盡以予菑川以奉悼惠王祭

祀城陽景王章齊悼惠王子正義年表云都莒也以朱虛侯與

大臣共誅諸呂而章身首先斬相國呂王產於未央

宮孝文帝既立益封章二千戶賜金千斤孝文二年

以齊之城陽郡立章為城陽王立二年卒子喜立是

為共王共王八年徙王淮南案隱當孝文帝之十一年也正義年表云都陳

也四年復還王城陽凡三十三年卒子建延立是為

頃王頃王二十八年卒子義立是為敬王敬王九年

卒子武立是為惠王惠王十一年卒子順立是為荒

王荒王四十六年卒子恢立是為戴王集解徐廣曰甘露二年

戴王八年卒子景立至建始三年十五歲卒

正義建始成帝

年號從建始四年上至天漢四年六十七矣蓋褚先生交之

濟北王興居齊悼惠

王子

濟州也

以東牟侯助大臣誅諸呂功少及文帝

從代來興居曰請與太僕嬰入清宮廢少帝共與大

臣尊立孝文帝孝文帝二年以齊之濟北郡立興居

為濟北王與城陽王俱立立二年反始大臣誅呂氏

時朱虛侯功尤大許盡以趙地王朱虛侯盡以梁地

王東牟侯及孝文帝立聞朱虛東牟之初欲立齊王

故絀其功及二年王諸子乃割齊二郡以王章興居

章興居自以失職奪功章死而興居聞匈奴大入漢

漢多發兵使丞相灌嬰擊之文帝親幸太原以為天

子自擊胡遂發兵反於濟北天子聞之罷丞相及行

兵皆歸長安使棘蒲侯柴將軍擊破虜濟北王

集解張晏

曰柴王自殺地入于漢為郡後十二年文帝十六年

復以齊悼惠王子安都侯志為濟北王表隱地理志

安都故城在瀛州高陽縣西南三十九里十一年吳楚反時志堅守不與

諸侯合謀吳楚已平徙志王菑川濟南王辟光齊悼

惠王子正義辟音壁以勒侯孝文十六年為濟南王

索隱地理志勒漢書作劫皆音力十一年與吳楚反漢擊破

殺辟光以濟南為郡地入于漢菑川王賢齊悼惠王

子正義年表云菑川王都劇故城以武城侯文帝十

六年為菑川王索隱按地理志縣名屬正義具州縣十一年與吳

楚反漢擊破殺賢天子因徙濟北王志王菑川志亦

齊悼惠王子以安都侯王濟北菑川王反毋後乃徙

濟北王王菑川凡立三十五年卒諡為懿王子建代

立是為靖王二十年卒子遺代立是為頃王三十六

年卒子終古立是為思王二十八年卒子尚立是為

孝王五年卒子橫立至建始三年十一歲卒正義亦

之女膠西王邛齊悼惠王子正義高苑括地志云高苑故城

在淄州長山正義以昌平侯文帝十六年為膠西王括地

志云昌平故城在幽州東南六十里也正義十一年與吳楚反漢擊破殺邛

地入于漢為膠西郡膠東王雄渠齊悼惠王子正義年表

云都郵墨按即墨故城在萊州膠東縣南六十里正義以白石侯文帝十六年為

膠東王正義石古城在德州安德縣北二十里正義十一年與

吳楚反漢擊破殺雄渠地入于漢為膠東郡

太史公曰諸侯大國無過齊悼惠王以海內初定子

弟少激秦之無尺土封故大封同姓以填萬民之心

及後分裂固其理也

索隱述贊曰漢矯秦制樹屏自疆表海大國悉封齊王呂后肆怒乃獻城陽哀王嗣立其力不量朱

虛任漢功大策長東牟受賞稱亂貽殃膠
東濟北雄渠辟光齊雖七國忠孝者昌

史記卷五十二

史記卷五十二考證

齊悼惠王世家懿王子次景立是爲厲王○年表作

次昌

脩成君有女名娥太后欲嫁之於諸侯○臣照按褚先生補外戚世家云脩成君女一人徐廣以爲嫁淮南者也年表齊厲王以元朔二年薨徐甲謀請娥事自在是年以前而淮南傳謝歸脩成君女在元朔三五間蓋娥嫁齊不售嫁淮南又離絕也

史記卷五十二考證

史記卷五十二

天險三五

與事自出

燕南香

次

游

文昌

秋

史記卷五十二

史記卷五十三

漢 太史 令司馬遷 撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

蕭相國世家第二十三

索隱蕭相國曹相國留侯絳侯五宗三王六篇可合為一篇

蕭相國何者沛豐人也索隱春秋緯蕭何感以文無

害為沛主吏掾集解駙案漢書音義曰文無害有文無所枉害也律有無害都吏如今言

公平吏一曰無害者如言無比陳留間語也索隱裴

注已列數家今更引二說應劭云雖為吏而不刻害

韋昭云為有文理無傷害也漢書云何為主吏高祖

為布衣時何數以吏事護高祖索隱說文云高祖為

亭長常左右之高祖以吏繇咸陽吏皆送奉錢三何

獨以五

集解

李奇曰或三百或五百也

索隱

奉音扶

時錢有重者一當秦御史監郡者與從事常辨之

張晏曰何與共事脩辨明何素有方略也蘇林曰辟

何與從事也秦時無刺史以御史監郡索隱何與御

史從事常辨也何乃給泗水卒史

水郡駟按文穎曰何為泗水郡卒史徐廣曰沛縣有

淳按律郡卒史書佐各十人也卒祖忽反事第一

索隱謂課秦御史欲入言徵何何固請得毋行及高

最居第一祖起為沛公何常為丞督事

索隱謂高祖起沛令何沛公至咸陽諸將皆爭走金帛財物之府分之

奏奏者趨何獨先人收秦丞相御史律令圖書藏之

向之也沛公為漢王以何為丞相項王與諸侯屠燒咸陽而

去漢王所以具知天下阨塞戶口多少彊弱之處民
所疾苦者以何具得秦圖書也何進言韓信漢王以
信為大將軍語在淮陰侯事中漢王引兵東定三秦

何以丞相留收巴蜀填撫諭告使給軍食漢二年漢

王與諸侯擊楚何守關中侍太子治櫟陽為法令約

束立宗廟社稷宮室縣邑輒奏上可許以從事即不

及奏上輒以便宜施行上來以聞集解應劭曰上來還乃以所為聞之

關中事計戶口轉漕給軍索隱轉劉氏音張漢王數

失軍遁去何常興關中卒輒補缺上以此專屬任何

關中事漢三年漢王與項羽相距京索之間上數使

使勞苦丞相鮑生謂丞相曰王暴衣露蓋數使使勞

苦君者有疑君心也為君計莫若遣君子孫昆弟能

勝兵者悉詣軍所上必益信君於是其計漢王

大說漢五年既殺項羽定天下論功行封羣臣爭功

歲餘功不決高祖以蕭何功最盛封為鄼侯集解穎曰音

贊贊曰今南陽鄼縣也孫檢曰有二縣音字多亂其屬沛郡者音嗟屬南陽者音讚按茂陵書蕭何國在

南陽宜呼讚今多呼嵯嵯舊字作鄜今皆作贊所由

亂也索隱讚云今南陽贊縣顧氏云南陽郡名也太

立康地理志云魏武帝改曰順陽郡是也所食邑多功臣

皆曰臣等身被堅執銳多者百餘戰少者數十合攻

城略地大小各有差今蕭何未嘗有汗馬之勞徒持

文墨議論不戰顧反居臣等上何也高帝曰諸君知

獵乎曰知之知獵狗乎曰知之高帝曰夫獵追殺獸

兔者狗也而發蹤指示獸處者人也今諸君徒能得

走獸耳功狗也至如蕭何發蹤指示功人也且諸君

獨以身隨我多者兩三人今蕭何舉宗數十人皆隨

我功不可忘也羣臣皆莫敢言列侯畢已受封及奏

位次皆曰平陽侯曹參身被七十創攻城略地功最

多宜第一上已撓功臣多封蕭何集解應劭曰撓屈

至位次未有以復難之然心欲何第一關內侯鄂君

進曰索隱功臣表鄂侯羣臣議皆誤夫曹參雖有野戰

略地之功此特一時之事夫上與楚相距五歲常失

軍亡衆逃身遁者數矣然蕭何常從關中遣軍補其

處非上所詔令召而數萬衆會上之乏絕者數矣夫

漢與楚相守滎陽數年軍無見糧蕭何轉漕關中給

食不乏陛下雖數亡山東蕭何常全關中以待陛下

此萬世之功也今雖亡曹參等百數何缺於漢漢得

之不必待以全奈何欲以一旦之功而加萬世之功

哉蕭何第一曹參次之高祖曰善於是乃令蕭何賜

帶劍履上殿入朝不趨上曰吾聞進賢受上賞蕭何

功雖高得鄂君乃益明於是因鄂君故所食關內侯

邑封為安平侯集解徐廣曰以謁者從定諸侯有功

秩舉蕭何功故因侯二千戶封九年

卒至玄孫但坐與淮南王安通棄市國除是日悉封

史

括地志

卷五十二

三中華書局聚

何父子兄弟十餘人皆有食邑乃益封何二千戶以

帝嘗繇咸陽時何送我獨贏奉錢二也秦漢謂人皆三何獨五所

以為贏二也音盈漢十一年陳豨反高祖自將至邯鄲未罷

淮陰侯謀反關中呂后用蕭何計誅淮陰侯語在淮

陰事上已聞淮陰侯誅使使拜丞相何為相國益

封五千戶令卒五百人一都尉為相國衛諸君皆賀

召平獨弔召平者故秦東陵侯秦破為布衣貧種瓜

於長安城東瓜美故世俗謂之東陵瓜從召平以為

名也召平謂相國曰禍自此始矣上暴露於外而君

守於中非被矢石之事而益君封置衛者以今者淮

陰侯新反於中疑君心矣夫置衛衛君非以寵君也

願君讓封勿受悉以家私財佐軍則上心說相國從

其計高帝乃大喜漢十二年秋黥布反上自將擊之

數使使問相國何為相國為上在軍乃拊循勉力百姓悉以所有佐軍如陳豨時客有說相國曰君滅族不久矣夫君位為相國功第一可復加哉然君初入關中得百姓心十餘年矣皆附君常復孳孳得民和上所為數問君者畏君傾動關中今君胡不多買田地賁貸以自汙賁音世又食夜反賁也貸天待反上心乃安於是相國從其計上乃大說上罷布軍歸民道遮行上書言相國賤彊買民田宅數千萬上至相國謁上笑曰夫相國乃利民謂相國取入田宅以為己利故云乃利人也所以令相國自謝之民所上書皆以與相國曰君自謝民相國因為民請曰長安地狹上林中多空地棄願令民得入田毋收橐為禽獸食橐苗子還種田人留橐入官上大怒曰相國多受賈人財物乃為請吾苑乃下相國廷尉械繫之數日

史

記 卷五十二

四一中華書局聚

王衛尉侍

集解如淳曰百官公卿表衛尉王氏無名字

前問曰相國何大

罪陛下繫之暴也上曰吾聞李斯相秦皇帝有善歸

主有惡自與今相國多受賈豎金而為民請吾苑以

自媚於民故繫治之王衛尉曰夫職事苟有便於民

而請之真宰相事陛下柰何乃疑相國受賈人錢乎

且陛下距楚數歲陳豨黥布反陛下自將而往當是

時相國守關中搖足則關以西非陛下有也相國不

以此時為利今乃利賈人之金乎且秦以不聞其過

亡天下李斯之分過又何足法哉

集解自予是分過也

陛下何疑宰相之淺也

集解韋昭曰用意淺

高帝不懌是日使

使持節赦出相國相國年老素恭謹入徒跣謝高帝

曰相國休矣相國為民請苑吾不許我不過為桀紂

主而相國為賢相吾故繫相國欲令百姓聞吾過也

何素不與曹參相能及何病孝惠自臨視相國病因
問曰君即百歲後誰可代君者對曰知臣莫如主孝
惠曰曹參何如何頓首曰帝得之矣臣死不恨矣何
置田宅必居窮處為家不治垣屋曰後世賢師吾儉

不賢毋為勢家所奪孝惠二年相國何卒

集解駟案東觀漢記

云蕭何墓在長陵東司馬門道北百步

正義括諡為

文終侯

集解徐廣曰功臣表後嗣以罪失侯者四世

絕天子輒復求何後封續鄼侯功臣莫得比焉

太史公曰蕭相國何於秦時為刀筆吏錄錄未有奇

節

索隱錄音祿

及漢興依日月之末光何謹守管籥因民

之疾奉法順流與之更始淮陰黥布等皆以誅滅而
何之勳爛焉位冠羣臣聲施後世與閔天散宜生等

爭烈矣

索隱述贊曰蕭何為吏文而無害及佐興王舉宗
從沛關中既守轉輸是賴漢軍屢疲秦兵必會約
法可久收圖可大指獸發蹤其功實最政
稱畫一居乃非泰繼絕寵勤式旌礪帶

史記卷五十三

漢天子... 文... 不... 置... 問... 前...

史記卷五十三考證

蕭相國世家吏皆送奉錢三何獨以五○臣照按李奇曰或三百或五百索隱則謂時有當百錢疑皆非也文明曰奉錢則是就其本奉十之三爲贈而何獨以奉十之五耳

何獨先人收秦丞相御史律令圖書藏之○人一本作入

封爲鄼侯集解文穎曰音贊贊曰今南陽鄼縣也孫檢曰有二縣音字多亂其屬沛郡者音嗟屬南陽者音讚按茂陵書蕭何國在南陽宜呼讚今多呼嗟嗟舊字作鄼今皆作鄼所由亂也索隱贊云今南陽鄼縣顧氏云南陽郡名也太康地理志云魏武帝建安中分南陽立南鄉郡晉武帝改曰順陽郡是也○資暇錄曰漢相蕭何封爲鄼侯舉代呼爲嗟有呼贊者則反掩口而啞深可訝也鄼氏分明云屬沛郡者音嗟屬南陽者音贊又茂陵書云蕭何國在南陽合二家之說音贊不音嗟明矣司

馬貞誠知音贊不能痛為指揮將來而但云字當音贊今多呼為嗟遂使後學見今呼為嗟字咸曰且宜從眾是誤也

史記卷五十三考證

昔者積毒成刻音蘇向因去南燕官... 贊曰音二蘇音字參屬其屬前雅音音... 徒發讚對集韻文贈曰音贊贊曰令南... 非人

同錄夫人... 贊曰音二蘇音字參屬其屬前雅音音... 徒發讚對集韻文贈曰音贊贊曰令南...

贊曰音二蘇音字參屬其屬前雅音音... 徒發讚對集韻文贈曰音贊贊曰令南...

史記卷五十三考證

史記卷五十四

漢 太 史 令司馬遷 撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

曹相國世家第二十四

平陽侯曹參者正義晉州城也即沛人也集解張華曰

索隱地理志云平陽縣屬河東春秋緯及博物志並云曹參字敬伯正義按沛今徐州縣也秦時

為沛獄掾而蕭何為主吏居縣為豪吏矣高祖為沛

公而初起也參以中涓從集解駙案漢書音義曰中涓如中謁者索隱涓音古

反玄將擊胡陵正義縣名在方與南方與山陽正義地理志二縣皆屬

方與之南方音房攻秦監公軍集解駙案漢書音義與音預兗州縣也

川名秦一郡置守尉監三人索隱本紀泗大破之東下

史 卷五十四 一 中華書局聚

薛擊泗水守軍薛郭西復攻胡陵取之徙守方與方

與反為魏擊之正義曹參豐反為魏攻之索隱時雍

魏公賜爵七大夫擊秦司馬巨正義軍碭東破之取

碭狐父集解徐廣曰伍被曰吳濞敗於狐父

引伍被志云吳濞敗於狐父是吳與梁相拒而敗處

祁善置集解文穎曰善置善名也晉灼曰祁音坻孫

志穀熟有祁亭劉氏音遲又如在宋州下邑縣東北四

置館正義括地志云善置又攻下邑以西至虞索隱

碭狐父及祁縣之善置取又攻下邑以

志下邑漢下邑城今碭山縣是虞城縣在州北五十里

古虞國商擊章邯車騎攻爰戚及亢父集解徐廣曰

威侯索隱蘇林云爰戚縣名屬東平正義威音寂劉音

充父故城在兗州南近亢父縣括地志先登遷為五

大夫北救東阿索隱時章邯圍田榮於東擊章邯軍

陷陳追至濮陽攻定陶取臨濟北二里北狄故城安

帝改曰臨濟南救雍丘擊李由軍破之殺李由虞秦候一

人秦將章邯破殺項梁也沛公與項羽引而東楚懷

王以沛公為碭郡長將碭郡兵於是乃封參為執帛

集解張晏曰孤卿也或曰楚官名號曰建成君成縣屬沛郡遷為

戚公爰戚縣也是時屬沛郡即屬碭郡其後從攻東

郡尉軍破之成武南武縣屬山陽擊王離軍成陽

南載於成其後代遷於成之陽故曰成陽正義成陽

故城濮州復攻之杠里大破之追北西至開封擊趙

賁軍破之音奔賁圍趙賁開封城中西擊秦將楊熊

軍於曲遇破之集解徐廣曰在中牟索隱曲丘羽反

中牟有曲遇聚也虜秦司馬及御史各一人遷為執珪

集解張晏曰侯伯執珪以朝位比之如淳從攻陽武

史記卷五十四 二 中華書局聚

武 正義 括地志云陽武故城在鄭州陽下 **輶** 輶 輶道名在緱氏南

地理 正義 志曰洛州縣也 **絕** 正義 津濟渡處

氏 輶 輶道凡四十二里 **絕** 正義 津濟渡處

故 津 在洛州陽 **還** 擊 趙賁軍尸北破之 集解 徐廣

師 孟 康曰尸鄉亭在洛州偃師縣在洛州東南也 **從**

南 攻 犖與南陽守齡戰陽城郭東陷陳 集解 徐廣曰

應 劭 云今堵陽 **取** 宛 虞齡盡定

南 陽 郡從西攻武關 **嶢** 關取之 正義 括地志云故武

九 十 里藍田關在雍州藍田前 **攻** 秦軍藍田南 正義

藍 田 縣在州東南八 **又** 夜擊其北秦軍大破遂至咸

陽 滅秦項羽至以沛公為漢王漢王封參為建成侯

從 至漢中 正義 梁州遷為將軍從還定三秦初攻下

辯 故 道 索隱 辯音皮 **反** 正義 括地志云成州同谷

辯 故 道 索隱 辯音皮 **反** 正義 括地志云成州同谷

縣在州西雍藜藜音地志云縣名正義屬右扶風

五縣南七里故藜城一名武功也擊章平軍於好時南破

之正義括地志云好時城在圍好時取壤鄉集韻文

名擊三秦軍壤東及高櫟破之索隱櫟音歷按文穎

在右扶風今其地闕正義皆村邑名壤鄉今在雍州

復圍章平章平出好時走因擊趙賁內史保軍破之

東取咸陽更命曰新城索隱漢書高帝元年咸陽參

將兵守景陵集韻案漢書也二十日三秦使章平等

攻參參出擊大破之賜食邑於寧秦集韻蘇林參以

將軍引兵圍章邯於廢丘正義周曰大丘秦更名廢

雍州始平縣以中尉從漢王出臨晉關正義關也臨蒲津

縣故言臨晉關至河內下修武正義今懷州獲

津集韻徐廣曰東郡白馬有圍津索隱顧氏按水經

津註白馬津有章鄉章津城圍與章同古今字變爾

正義 括地志云黎陽津一名白馬津在滑州白馬縣北三十里帝王世紀云白馬縣南有韋城故豕韋國

也續漢書郡國志東擊龍且項他定陶破之東取碭云白馬縣有韋城

蕭彭城正義徐州二縣徐擊項籍軍漢軍大敗走參以中尉圍

取雍丘王武反於黃集解徐廣曰內程處反於燕集解

徐廣曰東郡燕縣案往擊盡破之柱天侯反於衍漢書音義曰皆漢將

氏案地理志云柱天在廬江潛縣魏又進破取衍氏

擊羽嬰於昆陽追至葉還攻武彊集解瓚曰武彊城在陽武正義括地

志云武彊故城在鄭州因至滎陽參自漢中為將軍管城縣東北三十里

中尉從案才擊諸侯及項羽敗還至滎陽凡二歲

高祖三年拜為假左丞相入屯兵關中月餘魏王豹

反以假左丞相別與韓信東攻魏將軍孫遨軍東張

大破之集解徐廣曰張者地名功臣表有張侯毛澤之駟案蘇林曰屬河東案邀音速正義括

在地志云張陽故城一名東張城因攻安邑得魏將王在蒲州虞鄉縣西北四十里

襄擊魏王於曲陽正義括地志云上曲陽定州恆陽

里追至武垣集解徐廣曰河東有垣縣正義括地志

郡也生得魏王豹取平陽正義城是晉得魏王母妻子

盡定魏地凡五十二城賜食邑平陽因從韓信擊趙

相國夏說軍於鄔東大破之斬夏說集解徐廣曰鄔

反古韓信與故常山王張耳引兵下井陘擊成安君而

令參還圍趙別將戚將軍於鄔城中戚將軍出走追

斬之乃引兵詣敖倉漢王之所韓信已破趙為相國

東擊齊參以右丞相屬韓信攻破齊歷下軍遂取臨

菑還定濟北郡攻著潞陰平原鬲盧集解地理志著

屬泰山潞陰平原鬲三縣屬平原潞音吐答反正義

括地志云平原故城在德州平原縣東南十里故鬲

里盧縣今濟州理縣西北十五已而從韓信擊龍且軍

於上假密集解文穎曰或以為高密集解漢書亦作

史記卷五十四四中華書局聚

亦是齊地今闕大破之斬龍且虜其將軍周蘭定齊凡得七十餘縣得故齊王田廣相田光其守相許章及故齊

膠東將軍田既韓信為齊王引兵詣陳與漢王共破

項羽而參留平齊未服者項籍已死天下定漢王為

皇帝韓信徙為楚王齊為郡參歸漢相印高帝以長

子肥為齊王而以參為齊相國以高祖六年賜爵列

侯與諸侯剖符世世勿絕食邑平陽萬六百三十戶

號曰平陽侯除前所食邑以齊相國擊陳豨將張春

軍破之黥布反參以齊相國從悼惠王將兵車騎十

二萬人與高祖會擊黥布軍大破之南至蘄還定竹

邑相蕭留梁地地理志屬彭城則漢初亦屬沛也正義沛韋昭

地志云徐州符離縣城漢九十里輿地志云今竹邑

也故相城在符離縣西北九十里輿地志云宋共公

也故留城在徐州沛縣東南五十里張良所封參

功凡下二國縣一百二十二得王二人相三人將軍

六人大莫敖

集解

駟案漢書音義曰楚之卿號

郡守司馬候御史各

一人孝惠帝元年除諸侯相國法更以參爲齊丞相參之相齊齊七十城天下初定悼惠王富於春秋參盡召長老諸生問所以安集百姓如齊故俗諸儒以百數言人人殊參未知所定聞膠西有蓋公善治黃老言使人厚幣請之既見蓋公蓋公爲言治道貴清靜而民自定推此類具言之參於是避正堂舍蓋公焉其治要用黃老術故相齊九年齊國安集大稱賢相惠帝二年蕭何卒參聞之告舍人趣治行吾將入相居無何使者果召參參去屬其後相曰以齊獄市爲寄慎勿擾也後相曰治無大於此者乎參曰不然夫獄市者所以并容也今君擾之姦人安所容也吾

是以先之

集解駟案漢書音義曰夫獄市兼受善惡若窮極姦人無所容竄姦人無所容竄久

且為亂秦人極刑而天下畔孝武峻法而獄繁此其效也老子曰我無為而民自化我好靜而民自正參

不欲以道化其本參始微時與蕭何善及為將相有卻不欲擾其末

至何且死所推賢唯參參代何為漢相國舉事無所

變更一遵蕭何約束擇郡國吏木訕於文辭重厚長

者即召除為丞相史吏之言文刻深欲務聲名者輒

斥去之日夜飲醇酒卿大夫已下吏及賓客見參不

事事集解如淳曰不來者皆欲有言至者參輒飲以

醇酒間之欲有所言復飲之醉而後去終莫得開說

以為常集解如淳曰開相舍後園近吏舍吏舍日飲

歌呼從吏惡之無如之何乃請參游園中聞吏醉歌

呼從吏幸相國召按之乃反取酒張坐飲亦歌呼與

相應和參見人之有細過專掩匿覆蓋之府中無事

參子索隱反音為中大夫惠帝怪相國不治事以為

豈少朕與索隱少者不足之詞故胡亥亦云丞相豈

小顏以為我乃謂索隱蓋帝以丞相豈不是嫌少於我哉

帝新棄羣臣帝富於春秋君為相日飲無所請事何

以憂天下乎然無言吾告若也索隱謂惠帝語索隱無

父當自云是己意也索隱既洗沐歸間侍自從其所諫參參怒而

答索隱二百曰趣入侍天下事非若所當言也至朝時

惠帝讓參曰與索隱胡治乎集解如淳曰猶言用索隱為

為治乃者我使諫君也參免冠謝曰陛下自察聖武

孰與高帝上曰朕乃安敢望先帝乎曰陛下觀臣能

孰與蕭何賢上曰君似不及也參曰陛下言之是也

且高帝與蕭何定天下法令既明今陛下垂拱參等

守職遵而勿失不亦可乎惠帝曰善君休矣參為漢

相國出入三年卒諡懿侯子密代侯百姓歌之曰蕭

何為法顛若畫一集解徐廣曰顛音古項反一音較

顏云法明直若畫一也講亦作觀小曹參代之守而勿

失載其清淨民以寧一平陽侯密高后時為御史大

夫孝文帝立免為侯立二十九年卒諡為靜侯子奇

代侯立七年卒諡為簡侯子時代侯時尚平陽公主

生子襄時病癘歸國立二十三年卒諡夷侯子襄代

侯襄尚衛長公主生子宗立十六年卒諡為共侯子

宗代侯征和二年中宗坐太子死國除

太史公曰曹相國參攻城野戰之功所以能多若此

者以與淮陰侯俱及信已滅而列侯成功唯獨參擅

其名參為漢相國清靜極言合道然百姓離秦之酷

後參與休息無為故天下俱稱其美矣

索隱述贊曰曹參初起為沛豪吏始從中涓先圖
善置執主執帛攻城略地衍氏既誅昆陽失位北
獄禽勿擾清淨不事尚主平陽代享其利
市

史記卷五十四

史記卷五十四考證

曹相國世家王武反於黃集解徐廣曰內黃縣有黃澤○臣照按漢書作王武反於外黃以樊噲傳參看似黃字上脫一外字

柱天侯反於衍氏索隱柱天侯不知其誰封衍氏魏邑地理志云柱天在廬江潛縣○危林曰柱天侯亦猶建成侯奉春君之類假以微稱不必指其食邑且漢書地理志廬江灑縣天柱山在南復非柱天也是時王武反外黃程處反燕柱天侯反衍氏服虔云皆漢將則漢王所封也漢元年廬江屬楚又安得以楚地封其將軍哉

擊魏王於曲陽正義括地志云上曲陽定州恆陽縣是下曲陽在定州鼓城縣西五里○余有丁曰此必魏自有曲陽定州之曲陽時屬趙

斬龍且虜其將軍周蘭○臣照按灌嬰傳云從韓信攻龍且於高密身生得亞將周蘭蓋是時參嬰並隸於信故敘功略同而其實擒蘭者嬰也嬰傳於

史記卷五十五

漢 太史 令司馬遷撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

留侯世家第二十五

留侯張良者正義括地志云故留城在徐州沛縣其

先韓人也索隱始見高祖於留故也漢書云良字子房按

乃符皇甫謚並良為韓之公族姬姓也秦索賊急

也良既歷代相韓故知其先韓人顧氏按後漢書云

父在汝州郊縣東大父開地相韓昭侯宣惠王襄哀

王集解父開地大父平相釐王悼惠王索隱韓世家

桓惠悼惠王二十三年平卒卒二十歲秦滅韓良年

史 記 卷五十五 一中華書局聚

少未宦事韓韓破良家僮三百人弟死不葬悉以家

財求客刺秦王為韓報仇以大父父五世相韓故

謂大父及父相韓良嘗學禮淮陽陳州也今東見倉海

君辨察以武帝時東郡夷滅君降為倉海郡或因以名

蓋得其近耳漢書武帝紀云元年東夷滅君南

閭等降為倉海郡今貊滅國得之太史公修史時已

降為郡自書之括地志云貊國得之太史公修史時已

在高麗南新羅北東至大海西集解服虔曰狙七預反

二十斤秦皇帝東游良與客狙也應劭曰狙七預反

伺也徐廣曰伺候也音千怒反索隱服虔曰狙七預反

擊秦皇帝博浪沙中按今浚儀西北四十里有

博浪城武縣有博浪沙按今當官道也誤中副車儀天子屬

車三十六乘屬車即副秦皇帝大怒大索天下求賊

甚急為張良故也良乃更名姓亡匿下邳良嘗閒從

容步游下邳圯上集解徐廣曰圯橋也東楚謂之圯

音怡索隱嘗訓經也閒閑字也從

容閒暇也從容謂從任其容止不在於莊也邳披眉反

按地理志下邳縣屬東海又云邳不在薛後徒此有上

邳故此云下邳李奇云上下邳人謂橋為史記本有

汜水旁者乃引今會稽東湖大橋有一老父衣褐至

名爲靈圯圯亦音夷理或然也謂至良所正墮其

良所直墮其履圯下索隱崔浩云直猶故也亦恐不

也履顧謂良曰孺子下取履良愕然欲毆之集解徐廣

怒欲罵之爲其老彊忍下取履父曰履我良業爲

取履因長跪履之索隱業猶本先也謂良心父以足

受笑而去良殊大驚隨目之父去里所復還集解徐

云爲其老強忍下取履因進之父以足曰孺子可教

矣後五日平明與我會此良因怪之跪曰諾五日平

明良往父已先在怒曰與老人期後何也去曰後五

日早會五日雞鳴良往父又先在復怒曰後何也去

曰後五日復早來五日良夜未半往有頃父亦來喜

曰當如是出一編書集解徐廣曰一作篇曰讀此則為王者

師矣後十年興十三年孺子見我濟北穀城山下黃

石即我矣正義括地志云穀城山一名黃山在濟州東阿縣故濟北郡孔文祥云黃石

杖丹黎履赤白狀遂去無他言不復見旦日視其書乃

太公兵法也正義七錄云太公兵法一表三卷良因

異之常習誦讀之居下邳為任俠項伯嘗殺人從良

匿後十年陳涉等起兵良亦聚少年百餘人景駒自

立為楚假王在留良欲往從之道遇沛公沛公將數

千人略地下邳西遂屬焉沛公拜良為廢將集解駢案漢書

音義曰良數以太公兵法說沛公沛公善之常用其

策良為他人言皆不省良曰沛公殆天授案遠殆故

遂從之不去見景駒及沛公之薛見項梁項梁立楚

懷王良乃說項梁曰君已立楚後而韓諸公子橫陽

君成賢可立為王益樹黨項梁使良求韓成立以為

韓王以良為韓申徒集解徐廣曰即司徒耳但與韓

王將千餘人西略韓地得數城秦輒復取之往來為

游兵潁川沛公之從雒陽南出轅轅良引兵從沛公

下韓十餘城擊破楊熊軍沛公乃令韓王成留守陽

翟與良俱南攻下宛西入武關沛公欲以兵二萬人

擊秦嶢下軍集解徐廣曰嶢音堯良說曰秦兵尚彊未可輕臣

聞其將屠者子賈豎易動以利願沛公且留壁使人

先行為五萬人具食集解徐廣曰一作百益為張旗幟諸山

上為疑兵集解徐廣曰一作百令酈食其持重寶啗秦將秦將

果畔欲連和俱西襲咸陽沛公欲聽之良曰此獨其

將欲叛耳恐士卒不從必危不如因其解擊之

集解徐廣曰沛公乃引兵擊秦軍大破之遂北至藍

離心而懈怠沛公乃引兵擊秦軍大破之遂北至藍

田再戰秦兵竟敗遂至咸陽秦王子嬰降沛公沛公

入秦宮宮室帷帳狗馬重寶婦女以千數意欲留居

之樊噲諫沛公出舍沛公不聽集解徐廣曰一本噲諫曰沛公欲有天下

耶將欲為富家翁邪沛公曰吾欲有天下噲曰今臣從入秦宮所觀宮室帷帳珠玉重寶鐘鼓之飾奇物

不可勝極入其後宮笑人婦女以千數此皆秦所以亡天下也願沛公急還霸上無留宮中沛公不聽所以

良曰夫秦為無道故沛公得至此夫為天下除殘賊

宜縞素為資集解晉灼曰資藉也欲沛公反秦奢秦服儉素以為藉也今始入秦

即安其樂此所謂助桀為虐且忠言逆耳利於行毒

藥苦口利於病索隱見孔願沛公聽樊噲言沛公乃

還軍霸上項羽至鴻門下欲擊沛公項伯乃夜馳入

沛公軍私見張良欲與俱去良曰臣為韓王送沛公

今事有急亡去不義乃具以語沛公沛公大驚曰為

將奈何良曰沛公誠欲倍項羽邪沛公曰鯁生索隱鯁謂

小魚也音趨勾反臣贊按楚漢春秋餓生本姓解

教我距關無內諸侯秦地

可盡王故聽之良曰沛公自度能卻項羽乎沛公默

然良久曰固不能也今為奈何良乃固要項伯項伯

見沛公沛公與飲為壽結賓婚令項伯具言沛公不

敢倍項羽所以距關者備他盜也及見項羽後解語

在項羽事中漢元年正月沛公為漢王王巴蜀漢王

賜良金百鎰珠二斗良具以獻項伯漢王亦因令良

厚遺項伯使請漢中地集解如淳曰本但與項王乃

許之遂得漢中地漢王之國良送至褒中志云褒谷

在梁州褒城縣北五十里南山昔秦欲伐蜀路無

由入乃刻石為牛五頭置金於後僞言此牛能屎金

以遺蜀侯貪信之乃令五丁共引牛塹山堙谷致

在漢中之西褒中北是又云斜水源出褒城縣西

北街嶺山與褒水同源而流派漢書溝洫志云褒水

渭通沔斜水通遣良歸韓良因說漢王曰王何不燒絕

史

記 卷五十五

四一中華書局聚

所過棧道示天下無還心以固項王意乃使良還行
燒絕棧道良至韓韓王成以良從漢王故項王不遣
成之國從與俱東良說項王曰漢王燒絕棧道無還
心矣乃以齊王田榮反書告項王項王以此無西憂
漢心而發兵北擊齊項王竟不肯遣韓王乃以為侯
又殺之彭城良亡間行歸漢王漢王亦已還定三秦
矣復以良為成信侯從東擊楚至彭城漢敗而還至
下邑漢王下馬踞鞍而問曰吾欲捐關以東等弃之
誰可與共功者良進曰九江王黥布楚梟將與項王
有郟彭越與齊王田榮反梁地此兩人可急使而漢
王之將獨韓信可屬大事當一面即欲捐之捐之此
三人則楚可破也漢王乃遣隨何說九江王布而使
人連彭越及魏王豹反使韓信將兵擊之因舉燕代

齊趙然卒破楚者此三人力也張良多病未嘗特將也常爲畫策臣時時從漢王漢三年項羽急圍漢王滎陽漢王恐憂與酈食其謀撓楚權食其曰昔湯伐桀封其後於杞武王伐紂封其後於宋今秦失德棄義侵伐諸侯社稷滅六國之後使無立錐之地陛下誠能復立六國後世畢已受印此其君臣百姓必皆戴陛下之德莫不鄉風慕義願爲臣妾德義已行陛下南鄉稱霸楚必斂衽而朝漢王曰善趣刻印先生因行佩之矣食其未行張良從外來謁漢王方食曰子房前客有爲我計撓楚權者具以酈生語告於子房曰何如良曰誰爲陛下畫此計者陛下事去矣漢王曰何哉張良對曰臣請藉前箸爲大王籌之

集解張晏

曰求借所食之箸用指畫也或曰前世曰昔者湯伐湯武著明之事以籌度今時之不若也

史

記

卷五十五

五十一中華書局聚

桀而封其後於杞者度能制桀之死命也今陛下能

制項籍之死命乎曰未能也其不可一也武王伐紂

封其後於宋者度能得紂之頭也今陛下能得項籍

之頭乎曰未能也其不可二也武王入殷表商容之

閭索隱崔浩云表者標榜其里門商容紂時賢人也韓詩外傳曰商容執羽籥馮於馬徒欲以化紂而

不能遂去伏於太行山武王欲以釋箕子之拘徐廣

曰釋一作式封比干之墓今陛下能封聖人之墓表

賢者之閭式智者之門乎曰未能也其不可三也發

鉅橋之粟散鹿臺之錢以賜貧窮今陛下能散府庫

以賜貧窮乎曰未能也其不可四矣殷事已畢偃革

為軒集解如淳曰革者革車也軒者赤轍乘軒也偃

武備而洽禮樂也蘇林云革者兵車也軒

者朱軒皮軒也謂廢兵車而用倒置干戈覆以虎皮
以示天下不復用兵今陛下能偃武行文不復用兵

乎曰未能也其不可五矣休馬華山之陽示以無所

為今陛下能休馬無所用乎曰未能也其不可六矣

放牛桃林之陰紫隱晉灼云在弘農南門鄉谷中應

也山海經云夸父之山北有桃林廣三百里以示不復輸積今陛下能放

牛不復輸積乎曰未能也其不可七矣且天下游士

離其親戚棄墳墓去故舊從陛下游者徒欲日夜望

咫尺之地今復六國立韓魏燕趙齊楚之後天下游

士各歸事其主從其親戚反其故舊墳墓陛下與誰

取天下乎其不可八矣且夫楚唯無疆六國立者復

撓而從之集解駟案漢書音義曰唯當使楚無疆疆

可使楚無疆強則六國屈撓而從之又韋昭云今無

疆楚者若六國立必復屈撓從楚是二說之意同陛下焉得而臣之誠用客之謀陛下事去矣漢王輟

食吐哺罵曰豎儒幾敗而公事豎儒謂此儒生豎子

耳幾音祈幾殆近也而公令趣銷印漢四年韓信破高祖自謂也漢書作乃公

齊而欲自立為齊王漢王怒張良說漢王漢王使良

授齊王信印語在淮陰事中其秋漢王追楚至陽夏

南戰不利而壁固陵諸侯期不至良說漢王漢王用

其計諸侯皆至語在項籍事中漢六年正月封功臣

良未嘗有戰鬪功高帝曰運籌策帷帳中決勝千里

外子房功也自擇齊三萬戶良曰始臣起下邳與上

會留此天以臣授陛下陛下用臣計幸而時中臣願

封留足矣不敢當三萬戶乃封張良為留侯與蕭何

等俱封六年上已封大功臣二十餘人其餘日夜爭

功不決未得行封上在雒陽南宮從複道集解如淳曰複音復

上下有道故謂之望見諸將往往相與坐沙中語上

曰此何語留侯曰陛下不知乎此謀反耳上曰天下

屬安定何故反乎留侯曰陛下起布衣以此屬取天

下今陛下為天子而所封皆蕭曹故人所親愛而所

誅者皆生平所仇怨今軍吏計功以天下不足徧封

此屬畏陛下不能盡封恐又見疑平生過失集解徐廣曰多

平生及誅故即相聚謀反耳上乃憂曰為之奈何留

侯曰上平生所憎羣臣所共知誰最甚者上曰雍齒

與我故集解駟案漢書音義曰未起時有故怨數嘗窘辱我我欲殺之

為其功多故不忍留侯曰今急先封雍齒以示羣臣

羣臣見雍齒封則人人自堅矣於是上乃置酒封雍

齒為什方侯集解縣名屬廣漢正義括地志云雍齒城在益州什方縣南四十步漢什方縣

漢初封雍齒為侯國而急趣丞相御史定功行封羣臣罷酒皆

喜曰雍齒尚為侯我屬無患矣劉敬說高帝曰都關

中上疑之左右大臣皆山東人多勸上都雒陽雒陽

東有城皋西有穀鼂倍河向伊維其固亦足恃留侯

曰雒陽雖有此固其中小不過數百里田地薄四面

受敵此非用武之國也夫關中左穀函正義在洛州

永寧縣西北二十八里函谷關右隴蜀正義隴山南

在陝州桃林縣西南十二里

隴蜀也右沃野千里南有巴蜀之饒北有胡苑之利正義

崔浩云苑馬牧外接胡地馬生於胡故云胡苑之利正義

胡接可以牧養禽獸又多阻三面而守獨以一面專

制諸侯諸侯安定河渭漕輓天下西給京師諸侯有

變順流而下足以委輸此所謂金城千里天府之國

也正義此言謂者蓋是依憑古語金城言秦有四塞

所謂天府是劉敬說是也於是高帝即日駕西都關中

入關留侯性多病即道引不食穀集解留侯從

而靜居行氣杜門不出歲餘上欲廢太子立戚夫人子趙

王如意大臣多諫爭未能得堅決者也呂后恐不知

所爲人或謂呂后曰留侯善畫計策上信用之呂后

乃使建成侯呂澤劫留侯曰君常爲上謀臣今上欲

易太子君安得高枕而臥乎留侯曰始上數在困急

之中幸用臣策今天下安定以愛欲易太子骨肉之

間雖臣等百餘人何益呂澤彊要曰爲我畫計留侯

曰此難以口舌爭也顧上有不能致者天下有四人

紫生按陳留志云園公姓唐字宣明居園中因以爲號

曰夏黃公姓崔名廣字少通齊人隱居夏里脩道故號

字元道京師號曰霸上先生一曰用里先生孔父秘

而爲此說四人者年老矣皆以爲上慢侮人故逃匿山中

義不爲漢臣然上高此四人今公誠能無愛金玉璧

帛令太子爲書卑辭安車因使辯士固請宜來來以爲客時時從入朝令上見之則必異而問之問之上知此四人賢則一助也於是呂后令呂澤使人奉太子書卑辭厚禮迎此四人四人至客建成侯所漢十一年黥布反上病欲使太子將往擊之四人相謂曰凡來者將以存太子太子將兵事危矣乃說建成侯曰太子將兵有功則位不益太子無功還則從此受禍矣且太子所與俱諸將皆嘗與上定天下梟將也今使太子將之此無異使羊將狼也皆不肯爲盡力其無功必矣臣聞母愛者子抱出韓子此語今戚夫人日夜侍御趙王如意常抱居前上曰終不使不肖子居愛子之上明乎其代太子位必矣君何不急請呂后承間爲上泣言黥布天下猛將也善用兵今諸將

皆陛下故等夷集解徐廣曰夷猶齊也乃令太子

將此屬無異使羊將狼莫肯為用且使布聞之則鼓

行而西耳集解晉灼曰鼓行而西言無所畏也上雖病彊載輜車臥而

護之諸將不敢不盡力上雖苦為妻子自彊於是呂

澤立夜見呂后呂后承間為上泣涕而言如四人意

上曰吾惟豎子固不足遣而公自行耳於是上自將

兵而東羣臣居守皆送至灞上留侯病自彊起至曲

郵集解司馬彪曰長安縣東有曲郵聚郵音尤

按司馬彪漢書郡國志長安有曲郵聚今在新豐

西俗謂之郵頭漢書舊儀云五里一郵聚今在新豐

從病甚楚人剽疾願上無與楚人爭鋒因說上曰令

太子為將軍監關中兵上曰子房雖病彊臥而傅太

子是時叔孫通為太傅留侯行少傅事漢十二年上

從擊破布軍歸疾益甚愈欲易太子留侯諫不聽因

疾不視事叔孫太傅稱說引古今以死爭太子上詳
許之猶欲易之及燕置酒太子侍四人從太子年皆
八十有餘鬚眉皓白衣冠甚偉上怪之問曰彼何爲
者四人前對各言名姓曰東園公甬里先生綺里季
夏黃公上乃大驚曰吾求公數歲公辟逃我今公何
自從吾兒游乎四人皆曰陛下輕士善罵臣等義不
受辱故恐而亡匿竊聞太子爲人仁孝恭敬愛士天
下莫不延頸欲爲太子死者故臣等來耳上曰煩公
幸卒調護太子集解如淳曰調護猶營護也四人爲壽已畢趨去
上目送之召戚夫人指示四人者曰我欲易之彼四
人輔之羽翼已成難動矣呂后真而主矣戚夫人泣
上曰爲我楚舞吾爲若楚歌歌曰鴻鴈高飛一舉千
里羽翮已就橫絕四海橫絕四海當可奈何雖有矰

繳集解韋昭曰繳弋射也其矢曰繳索隱馬融注周禮云繳者繳繫短矢謂之繳音一說云繳一弦可以

故云射高者音尚安所施歌數闋索隱音曲亢反謂曲戚

夫人嗑唏流涕上起去罷酒竟不易太子者留侯本

招此四人之力也留侯從上擊代出奇計馬邑下集解

徐廣曰一云出及立蕭何相國集解駟案漢書音義

立之高祖所與上從容言天下事甚衆非天下所以存亡

故不著留侯乃稱曰家世相韓及韓滅不愛萬金之

資為韓報讎彊秦天下振動今以三寸舌為帝者師

索隱春秋緯云舌在封萬戶位列侯此布衣之極於

良足矣願棄人間事欲從赤松子游耳索隱赤松子

能入火自燒崑崙山乃學辟穀道引輕身集解徐廣

學道引欲輕舉也反會高帝崩呂后德留侯乃彊食之

曰人生一世間如白駒過隙何至自苦如此乎留侯

不得已疆聽而食後八年卒諡為文成侯子不疑代

侯集解徐廣曰文成侯立十六年卒子不疑代立十

年坐與門大夫吉謀殺故楚內史當死贖為城旦

除國子房始所見下邳圯上老父與太公書者後十三

年從高帝過濟北果見穀城山下黃石取而葆祠之

集解徐廣曰史記珍寶字皆作葆留侯死并葬黃石冢正義括地志

在徐州沛縣東六十里與留城相近也每上冢伏臘祠黃石留侯不疑

孝文帝五年坐不敬國除

太史公曰學者多言無鬼神然言有物索隱物謂精

至如留侯所見老父予書亦可怪矣索隱詩緯云風

為老子以書授張良父高祖離困者數矣而留侯常

後化為黃石亦異說耳有有功力焉豈可謂非天乎上曰夫運籌策帷帳之中

決勝千里外吾不如子房余以為其人計魁梧奇偉

集解應劭曰魁梧丘虛壯大之意索隱蘇林云梧音

悟蕭該云今讀為吾非也小顏云言其可警悟於人

至見其圖狀貌如婦人好女蓋孔子曰以貌取人失

之子羽索隱子羽澹臺滅明字也仲尼弟子容而行不

稱其貌與史留侯亦云

索隱述贊曰留侯個儻志懷憤惋五代相韓一

歸漢進履宜假運籌神算橫陽既立申徒作扞灑

上扶危固陵靜亂入稱三傑辯推入難赤

松願遊白駒難絆嗟彼雄略曾非魁岸

史記卷五十五

史記卷五十五考證

留侯世家留侯張良者其先韓人也索隱按王符皇甫謐並以良爲韓之公族姬姓也秦索賊急乃改姓名而韓先有張去疾及張譴恐非良之先代也○困學紀聞曰張良張仲三十代孫張老十七代孫張氏譜云仲見詩老見春秋禮記

孺子見我濟北穀城山下黃石卽我矣正義孔文祥云黃石公鬚眉皆白狀杖丹藜履赤鳥○臣照按狀字疑衍因下杖字而誤

沛公曰鯁生○一本此下有集解徐廣曰呂靜曰鯁魚也音此垢反共十三字

放牛桃林之陰索隱應劭十三州記弘農有桃丘聚古桃林也○臣照按十三州記乃闕駟所作見水經注及隋唐志索隱云應劭疑誤否則應劭下有

一曰字

於是上迺置酒封雍齒爲什方侯○臣照按王世貞云功臣年表曹參至陳平九人皆以十二月甲申

封張良至陳豨十三人以正月丙午封周竈以丁未封丁復以戊申封呂青以壬子封雍齒始與郭蒙以戊午封而諸將陳武等以三月丙申庚子等日繼封然則曹參諸公遠者先三十四日而沙中偶語之輩僅陳武輩二十餘人耳此曹非有大功何敢偶語意者歸美留侯之謚談未必實也臣竊謂世貞之言過矣夫良豈與沙中偶語者共謀而知之如是晰乎亦審乎天下之大機大勢而知其必有是耳匹夫匹婦一能勝予況陳武輩二十餘人陳豨且反世貞又何以能保陳武輩不反且論功行賞自有次第豈盡裂土而封之不封而受賞者又豈止陳武輩二十餘人且良所謂謀反者甚言之耳心所不向卽爲反萌良豈告人反以圖己功哉書生妄疑古人所爲好事之過也

天下有四人索隱四人四皓也云云○臣照按漢書

王貢傳序曰漢興有園公綺里季夏黃公角里先生顏師古注曰四皓稱號本起於此更無姓名可

稱蓋隱居之人匿跡遠害不自標顯秘其氏族故
史傳無得而詳至于後代皇甫謐之徒及諸地理
書說競爲四人施安姓氏自相錯互語又不經班
氏不載於書諸家皆臆說今並棄略一無取焉臣
謂師古之見卓矣索隱所引陳留志有姓名者又
止三人無綺里季名字蓋有脫文而今陳留志無
其書莫可考也或云姓朱名暉字文季恐皆臆說
綺里季或云當連夏字讀作綺里季夏其黃公則
黃爲姓顧皇甫謐高士傳已作夏黃公陶潛聖賢
羣輔錄亦然莫定其孰是也陶潛四八目卽聖賢
羣輔錄別名四八目蓋所載如四佐四凶八元八
愷之類四與八居多後人遂呼之爲四八目耳

史記卷五十五考證

史記卷五十六

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

陳丞相世家第二十六

陳丞相平者陽武戶牖鄉人也魏地戶牖今為東昏屬

縣屬陳留郡蓋後陽武分屬梁國耳徐又云戶牖今為東昏屬

屬陳留與漢書地理志同按是秦時戶牖鄉屬陽武

至漢以戶牖為東昏縣隸陳留郡也傳云東昏故城在汴州陳留縣東北九十里少時家

貧好讀書有田三十畝獨與兄伯居伯常耕田縱平

使游學平為人長美色人或謂陳平曰貧何食而肥

若是其嫂嫉平之不視家生產曰亦食糠覈耳徐廣

曰覈音核駟案孟康曰麥糠中不破者有叔如此不

如無有伯聞之逐其婦而棄之及平長可娶妻富人

莫肯與者貧者平亦恥之久之戶牖富人有張負索

按負是婦人老宿之稱猶武負之類也然此張負既稱富人或恐是丈夫爾張負女孫五

嫁而夫輒死人莫敢娶平欲得之邑中有喪平貧侍

喪以先往後罷為助張負既見之喪所獨視偉平平

亦以故後去負隨平至其家家乃負郭窮巷索隱高誘註戰

國策云負背郭居也以弊席為門然門外多有長者車轍索隱一作

軌按言長者所乘安車與載運之車軌轍或別張負歸謂其子仲曰吾欲以

女孫予陳平張仲曰平貧不事事一縣中盡笑其所

為獨奈何予女乎貧曰人固有好美如陳平而長貧

賤者乎卒與女為平貧乃假貸幣以聘予酒肉之資

以內婦負誠其孫曰毋以貧故事人不謹事兄伯如

事父事嫂如母

其集解駢案兄伯已逐平既娶張氏女

齋用益饒游道日廣里中社平為宰

索隱其里名庫

邕陳留東昏庫上里社碑云惟斯庫里古分肉食甚

均父老曰善陳孺子之為宰平曰嗟乎使平得宰天

下亦如是肉矣陳涉起而王陳使周市略定魏地立

魏咎為魏王與秦軍相攻於臨濟陳平固已前謝其

兄伯集解駢案漢書音義從少年往事魏王咎於臨

濟魏王以為太僕說魏王不聽人或讒之陳平亡去

久之項羽略地至河上陳平往歸之從入破秦賜平

爵卿集解張晏曰禮秩如卿不治事項羽之東王彭城也漢王還定

三秦而東殷王反楚項羽乃以平為信武君將魏王

咎客在楚者以往擊降殷王而還項王使項悍拜平

為都尉賜金二十鎰居無何漢王攻下殷王項王怒

將誅定殷者將吏陳平懼誅乃封其金與印使使歸

項王而平身間行杖劍亡渡河船人見其美丈夫獨

行疑其亡將要中當有金玉寶器目之欲殺平平恐

乃解衣裸而佐刺船人知其無有乃止平遂至修

武降漢集解徐廣曰漢二年因魏無知求見漢王集解漢書張

進云陳平須魏情而後漢王召入是時萬石君奮為漢

王中涓集解徐廣曰涓人受平謁入見平平等七人俱進

賜食王曰罷就舍矣平曰臣為事來所言不可以過

今日於是漢王與語而說之問曰子之居楚何官曰

為都尉是日乃拜平為都尉使為參乘典護軍諸將

盡謹索隱謹諱也音謹又曰大王一日得楚之亡卒

未知其高下而即與同載反使監護軍長者漢王聞

之愈益幸平遂與東伐項王至彭城為楚所敗引而

還收散兵至滎陽以平爲亞將屬於韓王信軍廣武
絳侯灌嬰等咸讒陳平曰平雖美丈夫如冠玉耳其
中未必有也

集解 駟案漢書音義曰飾冠以玉光好外見中非所有

臣聞平居

家時盜其嫂事魏不容亡歸楚歸楚不中又亡歸漢

今日大王尊官之令護軍臣聞平受諸將金金多者

得善處金少者得惡處平反覆亂臣也願王察之漢

王疑之召讓魏無知無知曰臣所言者能也陛下所

問者行也今有尾生孝已之行

集解 如淳曰孝已而高宗之子有孝行而

無益於勝負之數陛下何暇用之乎楚漢相距臣進

奇謀之士顧其計誠足以利國家不耳且盜嫂受金

又何足疑乎漢王召讓平曰先生事魏不中遂事楚

而去今又從吾游信者固多心乎平曰臣事魏王魏

王不能用臣說故去事項王項王不能信人其所任

愛非諸項即妻之昆弟雖有奇士不能用平乃去楚
 聞漢王之能用人故歸大王臣裸身來不受金無以
 為資誠臣計畫有可采者顧大王用之使無可用者
 金具在請封輸官得請骸骨漢王乃謝厚賜拜為護
 軍中尉盡護諸將諸將乃不敢復言其後楚急攻絕
 漢甬道圍漢王於滎陽城久之漢王患之請割滎陽
 以西以和項王不聽漢王謂陳平曰天下紛紛何時
 定乎陳平曰項王為人恭敬愛人士之簾節好禮者
 多歸之至於行功爵邑重之士亦以此不附今大王
 慢而少禮士廉節者不來然大王能饒人以爵邑士
 之頑鈍嗜利無恥者集解如淳曰亦多歸漢誠各去
 其兩短襲其兩長天下指麾則定矣然大王恣侮人
 不能得廉節之士顧楚有可亂者彼項王骨鯁之臣

亞父鍾離昧龍且周殷之屬不過數人耳大王誠能
出捐數萬斤金行反間間其君臣以疑其心項王爲
人意忌信讒必內相誅漢因舉兵而攻之破楚必矣
漢王以爲然乃出黃金四萬斤與陳平恣所爲不問
其出入陳平旣多以金縱反間於楚軍宣言諸將鍾
離昧等爲項王將功多矣然而終不得裂地而王欲
與漢爲一以滅項氏而分王其地項羽果意不信鍾
離昧等項王旣疑之使使至漢漢王爲太牢具舉進
見楚使卽詳驚曰吾以爲亞父使乃項王使復持去
更以惡草具進楚使集解駟案漢書音義曰草粗也
如淳云藁草戰國策云食馮煖以草具
龕惡之具也楚使歸具以報項王項王果大疑亞父
亞父欲急攻下滎陽城項王不信不肯聽亞父聞項
王疑之乃怒曰天下事大定矣君王自爲之願請骸

骨歸歸未至彭城疽發背而死陳平乃夜出女子二千人滎陽城東門楚因擊之陳平乃與漢王從城西門夜出去遂入關收散兵復東其明年淮陰侯破齊自立爲齊王使使之漢王漢王大怒而罵陳平躡漢王

集解

曰躡謂躡漢王足義

漢王亦悟乃厚遇齊使使

張子房卒立信爲齊王封平以戶牖鄉用其奇計策卒滅楚常以護軍中尉從定燕王臧荼漢六年人有上書告楚王韓信反高帝問諸將諸將曰亟發兵坑豎子耳高帝默然問陳平平固辭謝曰諸將云何上具告之陳平曰人之上書言信反有知之者乎曰未有曰信知之乎曰不知陳平曰陛下精兵孰與楚上曰不能過平曰陛下將用兵有能過韓信者乎上曰莫及也平曰今兵不如楚精而將不能及而舉兵攻

之是趣之戰也竊爲陛下危之上曰爲之奈何平曰

古者天子巡狩會諸侯南方有雲夢陛下第出僞游

雲夢蘇林云第且會諸侯於陳陳楚之西界

陳今陳州也韓信都彭城號信聞天子以好出游其

勢必無事而郊迎謁謁而陛下因禽之此特一力士

之事耳高帝以爲然乃發使告諸侯會陳吾將南游

雲夢上因隨以行行未至陳楚王信果郊迎道中高

帝豫具武士見信至即執縛之載後車信呼曰天下

已定我固當烹高帝顧謂信曰若毋聲而反明矣武

士反接之義曰反縛兩手遂會諸侯于陳盡定楚

地還至雒陽赦信以爲淮陰侯而與功臣剖符定封

於是與平剖符世世勿絕爲戶牖侯平辭曰此非臣

之功也上曰吾用先生謀計戰勝剋敵非功而何平

曰非魏無知臣安得進上曰若子可謂不背本矣乃

復賞魏無知其明年以護軍中尉從攻反者韓王信

於代卒至平城為匈奴所圍七日不得食高帝用陳

平奇計使單于闕氏音闕蘇林曰闕氏圍以得開高

帝既出其計秘世莫得聞陳平為高帝解平城之圍

則言其事秘世莫得而聞也此以工妙蹕善故藏隱

不傳焉子能權知斯事否吾應之曰此策乃反薄陋

拙惡故隱而泄高帝以是知其所以用說之說矣彼

闕氏言于單于而出之見圍七日而陳平往說闕氏

困急已馳使歸迎麗美女為道其容貌天下無有今

好愛之愛之則闕氏來矣遠疎于單于見此入必大

得脫去亦不持女來矣闕氏如及其未之到令漢

增惡而刺去之此說簡而要及得立稱善焉按漢書

故隱匿不泄也劉子駿聞吾言乃立稱善焉按漢書

音義應劭說此事大旨與桓論略同不知是應高帝

全取桓論或別有所聞乎今觀桓論似本無說高帝

南過曲逆

集解

駟案地理志縣屬中山也上其城望

見其屋室甚大曰壯哉縣吾行天下獨見洛陽與是

耳顧問御史曰曲逆戶口幾何對曰始秦時三萬餘戶間者兵數起多亡匿今見五千戶於是乃詔御史更以陳平爲曲逆侯盡食之除前所食戶牖其後常以護軍中尉從攻陳豨及黥布凡六出奇計輒益邑凡六益封奇計或頗祕世莫能聞也高帝從破布軍還病創徐行至長安燕王盧綰反上使樊噲以相國將兵攻之旣行人有短惡噲者高帝怒曰噲見吾病乃冀我死也用陳平謀而召絳侯周勃受詔牀下曰陳平亟馳傳載勃代噲將平至軍中卽斬噲頭二人旣受詔馳傳未至軍行計之曰樊噲帝之故人也功多且又乃呂后弟呂類之夫有親且貴帝以忿怒故欲斬之則恐後悔寧囚而致上上自誅之未至軍爲壇以節召樊噲噲受詔卽反接載檻車使詣長安而

令絳侯勃代將將兵定燕反縣平行聞高帝崩平恐
呂太后及呂頴讒怒乃馳傳先去逢使者詔平與灌
嬰屯於滎陽平受詔立復馳至宮哭甚哀因奏事喪
前呂太后哀之曰君勞出休矣平畏讒之就因固請
得宿衛中太后乃以為郎中令曰傳教孝惠集解如淳曰傳

相之傳也是後呂頴讒乃不得行樊噲至則赦復爵邑孝

惠帝六年相國曹參卒以安國侯王陵為右丞相

徐廣曰王陵以客從起豐以廐將別守豐上東因從

戰不利奉孝惠魯元出睢水中封為雍侯高祖八年

定食安國二十二年卒謚陳平為左丞相王陵者故

武侯至立孫坐耐金國除沛人始為縣豪高祖微時兄事陵陵少文任氣好直

言及高祖起沛入至咸陽陵亦自聚黨數千人居南

陽不肯從沛公及漢王之還攻項籍陵乃以兵屬漢
項羽取陵母置軍中陵使至則東鄉坐陵母欲以招

陵陵母既私送使者泣曰爲老妾語陵謹事漢王漢王長者也無以老妾故持二心妾以死送使者遂伏劍而死項王怒烹陵母陵卒從漢王定天下以善雍齒雍齒高帝之仇而陵本無意從高帝以故晚封爲安國侯安國侯既爲右丞相二歲孝惠帝崩高后欲立諸呂爲王問王陵王陵曰不可問陳平陳平曰可呂太后怒乃詳遷陵爲帝太傅實不用陵陵怒謝疾免杜門竟不朝請七年而卒陵之免丞相呂太后乃徙平爲右丞相以辟陽侯審食其爲左丞相左丞相不治常給事於中

集解

孟康曰不在治處便止宮中也

食其亦沛人漢

王之敗彭城西楚取太上皇呂后爲質食其以舍人侍呂后其後從破項籍爲侯幸於呂太后及爲相居中百官皆因決事呂類常以前陳平爲高帝謀執樊

噲數讒曰陳平為相非治事日飲醇酒戲婦女陳平
 聞日益甚呂太后聞之私獨喜面質呂頹於陳平曰
 鄙語曰兒婦人口不可用顧君與我何如耳無畏呂
 頹之讒也呂太后立諸呂為王陳平偽聽之及呂太
 后崩平與太尉勃合謀卒誅諸呂立孝文皇帝陳平
 本謀也審食其免相起侍呂后孝惠帝於沛又從在
楚封二十五年文帝三年死子平代二歲為淮南
帝三年坐謀反國除一本云食其免後三歲為淮南
王所殺文帝令其子平嗣侯菑川 孝文帝立以為太
 尉勃親以兵誅呂氏功多陳平欲讓勃尊位乃病謝
 孝文帝初立怪平病問之平曰高祖時勃功不如臣
 平及誅諸呂臣功亦不如勃願以右丞相讓勃於是
 孝文帝乃以絳侯勃為右丞相位次第一平徙為左
 丞相位次第二賜平金千斤益封三千戶居頃之孝

文皇帝既益明習國家事朝而問右丞相勃曰天下

一歲決獄幾何勃謝曰不知問天下一歲錢穀出入

幾何勃又謝不知汗出沾背愧不能對於是上亦問

左丞相平平曰有主者上曰主者謂誰平曰陛下即

問決獄責廷尉問錢穀責治粟內史上曰苟各有主

者而君所主者何事也平謝曰主臣集解張晏曰若

也馬融龍虎賦曰勇怯見之莫不主臣孟康曰主臣

也羣臣也若今言人主也韋昭曰言主臣孟道不敢欺

也蔡隱蘇林與孟康同既陛下不知其驚下使待罪

宰相宰相者上佐天子理陰陽順四時下育萬物之

宜外鎮撫四夷諸侯內親附百姓使卿大夫各得任

其職焉孝文帝乃稱善右丞相大慚出而讓陳平曰

君獨不素教我對陳平笑曰君居其位不知其任邪

且陛下即問長安中盜賊數集解駸案漢書君欲疆

對邪於是絳侯自知其能不如平遠矣居頃之絳侯謝病請免相陳平專為一丞相孝文帝二年丞相陳平卒謚為獻侯子共侯買代侯二年卒子簡侯恢代侯二十三年卒子何代侯三十三年何坐略人妻棄市國除始陳平曰我多陰謀是道家之所禁吾世即廢亦已矣終不能復起以吾多陰禍也然其後曾孫陳掌以衛氏親貴戚願得續封陳氏然終不得集解徐廣

曰陳掌者衛青之子婿

太史公曰陳丞相平少時本好黃帝老子之術方其割肉俎上之時其意固已遠矣傾側擾攘楚魏之間卒歸高帝常出奇計救紛糾之難振國家之患及呂后時事多故矣然平竟自脫定宗廟以榮名終稱賢相豈不善始善終哉非知謀孰能當此者乎

索隱述贊曰曲逆窮巷門多長者宰肉先均佐喪
後罷魏楚更用腹心難假棄印封金刺舩露騾間
行歸漢委質麾下榮陽計全平城圍解推
陵讓勃哀多益寡應變合權克定宗社

史記卷五十六

史

記

卷五十六

九一中華書局聚

珍倣宋版并

史記卷五十六考證

陳丞相世家事嫂如母集解駟案兄伯已逐其婦此嫂疑後娶也○臣照按司馬遷特載陳平兄伯逐婦事專爲下文盜嫂語明其誣耳至事兄伯如父事嫂如母固是訓辭連類而及不必有嫂乃云然裴駟必求其嫂以實之亦鑿矣

平謝曰主臣集解張晏曰若今人謝曰惶恐也馬融龍虎賦曰勇怯見之莫不主臣孟康曰主臣主羣臣也若今言人主也韋昭曰言主臣道不敢欺也索隱蘇林與孟康同既古人所未了故並存兩解○臣照按如孟章之說于馮唐傳之主臣更通不去自應從張晏作皇恐解索隱於此依違其說不若馮唐傳注之詳確也

曾孫陳掌以衛氏親貴戚集解徐廣曰陳掌者衛青之子婿○按衛將軍傳但云青姊少兒與掌通徐注或有錯誤

史記卷五十六考證

六千餘○對前漢書前曰云青發少民其軍而於
有器者舉以兩其陳度為業然餘賦曰與軍香諸會

注無毒者曰文與節身

左倉空物難備○注難備者難於備也○注難備者難於備也○注難備者難於備也

○注難備者難於備也○注難備者難於備也○注難備者難於備也

秦製難林與舌家河漢古人無米不食故有節食

曰也等今言人主出車節曰言主出車不凍地也

蕭惠卿曰後劫民之莫不主曰孟果曰主曰主事

平備曰主曰葉難悉是曰等令人備曰對感海軍編

美勝及不美雙以實衣衣變失

專備故舉臣長博續並陳而又不及有美以云是

以事舉為不文盜與時與共國平廷專民節故又

變與對便也○且現對臣與變科廉利平民節也

刺法舉世以事變故母業難節末民節曰發其難也

史記卷五十六考證

史記卷五十七

漢 太 史 令司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

絳侯周勃世家第二十七

絳侯周勃者沛人也其先卷人集解徐廣曰卷縣在

河南地理志亦然則後置滎陽郡而卷隸焉音丘

玄反字林音丘權反正義括地志云故卷城在鄭州

原武縣西北七里釋例地徙沛勃以織薄曲為生

蘇林曰薄一名曲月令曰具曲植索隱謂勃本以織

蠶薄為生業也韋昭云北方謂薄為曲許慎注淮南

云曲葦薄也郭璞注方反常為人吹簫給喪事如淳

曰以樂喪家若俳優贊曰吹簫以樂喪殯若樂人也

材官引彊集解駟案漢書音義曰能引彊嘉為材官

史記卷五十七 一中華書局聚

張顯高祖之為沛公初起勃以中涓從攻胡陵下方與

方與反與戰卻適漢書作敵攻豐擊秦軍碭東還

軍留及蕭復攻碭破之天下邑先登賜爵五大夫攻

蒙虞取之索隱二縣名地擊章邯車騎殿集解服虔

兵也如淳曰殿不進也贊曰在軍後曰殿孫檢曰一

說上功曰最下功曰殿戰功曰多周勃事中有此三

禮故與此諸將俱計功車騎殿又云先至城下為多義見周

攻槐里好定魏地攻爰戚東緡集解徐廣曰屬山陽

地是屬陳留者音昏屬山陽者音昃也正義緡眉貧

反括地在兗州金鄉縣界漢以往往至栗取之正義括地

沛郡攻鬻桑先登索隱徐氏云擊秦軍阿下破之索隱

謂東阿追至濮陽下甄城攻都關索隱地理志定陶

襲取宛胸正義宛劬二音今曹州得單父令正義善

宋州夜襲取臨濟攻張集解駟案漢書音義曰攻壽

縣也

光武改曰壽張以前至卷破之擊李由軍雍丘下攻開封先

至城下為多集解文穎曰勃士卒至者多如淳曰周禮戰功曰多後章邯破殺

項梁沛公與項羽引兵東如碭自初起沛還至碭一

歲二月索隱謂初起沛及還至楚懷王封沛公號安

武侯為碭郡長沛公拜勃為虎賁令集解徐廣曰一

漢書云襄賁令賁音肥縣名屬東海以令從沛公定

魏地攻東郡尉於城武破之擊王離軍破之攻長社

先登攻潁陽緱氏正義緱音絕河津正義即古平陰

縣東北五十里擊趙賁軍尸北索隱賁音肥人姓名也尸即

北南攻南陽守齧破武關峽關破秦軍於藍田至咸

陽滅秦項羽至以沛公為漢王漢王賜勃爵為威武

侯索隱或封號從入漢中拜為將軍還定三秦至

秦賜食邑懷德正義括地志云懷德故城在攻槐里

史記卷五十七 二一中華書局聚

好時最集解如淳曰於將率之中功為擊趙賁內史

保於咸陽最北攻漆索隱今幽州新平縣古漆縣也

擊章平姚卬軍索隱卬音五西定汧正義汧源縣本

漢汧縣還下郿頻陽正義郿音眉括地志云郿縣故

陽故雍州宜州廢也索隱地理志郿屬右扶風頻陽

屬左馮圍章邯廢丘索隱地理志秦更名廢丘高祖三年

更名槐里而此云槐里者槐里據後而書之又破西

丞集解徐廣曰天水有西縣正義括地志云西縣故

丞擊盜巴軍破之集解如淳將攻上邽秦州縣也東守

嶢關轉擊項籍攻曲逆最還守敖倉追項籍籍已死

因東定楚地泗川東海郡凡得二十二縣還守雒陽

櫟陽賜與潁陽侯共食鍾離索隱地理志縣名屬九

鍾離故城在濠州鍾離縣東北五里以將軍從高

帝擊反者燕王臧荼破之易下名因以爲縣在涿郡

謂破茶軍於易水之下言近水也臨易所將卒當馳道爲多素障小顏以當高祖所行

是也馳道故賈山傳云秦爲賜爵列侯剖符世世勿絕食絳

八千一百八十戶號絳侯絳縣在絳州曲沃縣南二

里或以爲秦以將軍從高帝擊反韓王信於代降下

霍人云晉邑也或作霍霍陽子歸納諸霍人杜預

屬太原郡括地志反按霍字當作霍人杜預

傳作霍人其音亦同以前至武泉中徐廣曰屬雲

武泉故城在朔州擊胡騎破之武泉北轉攻韓信軍

銅鞮破之東十五里州志云銅鞮故城在潞州銅鞮縣

還降太原六城鞮還并降六城也擊韓信胡騎晉陽

下破之下晉陽後擊韓信軍於礮石破之日礮音沙

史記卷五十七 三中華書局聚

或曰地名索隱按在樓煩縣西北音赤座追北八十里還攻樓煩

三城正義按地理志云在并州崞縣界因擊胡騎平城下正義

地理志云在雁門郡括地志也所將卒當馳道為多勃

遷為太尉擊陳豨屠馬邑所將卒斬豨將軍乘馬絺

徐廣曰姓乘馬擊韓信陳豨趙利軍於樓煩

破之得豨將宋最雁門守索隱困守之因轉攻得

雲中守邀勝州榆林縣東北四十里秦雲中故城在丞

相箕肆將勳徐廣曰箕音如字包愷音以四反

漢書勳亦作耳定雁門郡十七縣雲中郡十二縣因復

擊豨靈丘破之索隱地理志縣名屬代郡正義括地

里漢縣也斬豨得豨丞相程縱將軍陳武都尉高肆定代

郡九縣燕王盧綰反勃以相國代樊噲將擊下薊得

綰大將抵丞相偃守陘張晏曰盧太尉弱御史

大夫施屠渾都

廣日在上谷 滅之也地志曰在
上谷縣屬上谷也屠

御史大夫姓施屠名渾都 括破縮軍上蘭

志云嬌州懷戎縣東 復擊破縮軍沮陽

北有馬蘭溪水恐是 復擊破縮軍沮陽

服虔曰沮音阻 按地理志沮陽縣屬上谷

括地志云上谷郡故城在嬌州懷戎縣東北 一百一十

里燕上谷秦因不 追至長城

改漢為沮陽縣 追至長城

定上谷十一縣右北平十六縣遼西遼東二十九縣

漁陽二十二縣最從高帝

從高祖攻戰克獲之數也

得相國一人丞相二人將軍二千石各三人別破軍

二下城三定郡五縣七十九得丞相大將各一人勃

為入木彊敦厚高帝以為可屬大事勃不好文學每

召諸生說士東鄉坐而責之

集解如淳曰勃自東鄉

主之 趣為我語其椎少文如此

不撓曲直至如椎 索隱大顏云俗謂愚為鈍椎音直

史記 卷五十七 四一中華書局聚

云趣為我語其質樸之性勃既定燕而歸高祖已崩

矣以列侯事孝惠帝孝惠帝六年置太尉官集解徐廣曰勃

臣表及將相表皆高后四年始置太尉正義下云以勃為太尉十歲高后崩按孝惠六年高后八年崩是

十年耳而功臣表及將相表以勃為太尉十歲高后

崩呂祿以趙王為漢上將軍呂產以呂王為漢相國

秉漢權欲危劉氏勃為太尉不得入軍門陳平為丞

相不得任事於是勃與平謀卒誅諸呂而立孝文皇

帝其語在呂后孝文事中文帝既立以勃為右丞相

賜金五千斤食邑萬戶居月餘人或說勃曰君既誅

諸呂立代王威震天下而君受厚賞處尊位以寵久

之即禍及身矣勃懼亦自危乃謝請歸相印上許之

歲餘丞相平卒上復以勃為丞相十餘月上曰前日

吾詔列侯就國或未能行丞相吾所重其率先之乃

免相就國歲餘每河東守尉行縣至絳絳侯勃自畏

恐誅常被甲令家人持兵以見之其後人有上書告

勃欲反集解徐廣曰文帝四年時下廷尉廷尉下其事長安逮捕

勃治之勃恐不知置辭吏稍侵辱之勃以千金與獄

吏獄吏乃書牘背示之集解李奇曰吏所執簿索隱

擊類則亦簡牘之類也曰以公主為證公主者孝文帝女也勃

太子勝之尚之集解韋昭曰尚故獄吏教引為證勃

之益封受賜盡以予薄昭及繫急薄昭為言薄太后

太后亦以為無反事文帝朝太后以冒絮提文帝集解

徐廣曰提音弟翻案應劭曰陌額絮也如淳曰太后

也蕭該音底提者擲也蕭音為得恚者噴也遭者逢

也謂太后噴乃逢冒絮因以提帝陌音蠻陌曰絳侯

之陌入聲方言云懷中南楚之間云陌額也

絳皇帝璽

集解應劭曰尚不反況今更有異乎將兵於

北軍不以此時反今居一小縣顧欲反邪文帝既見

絳侯獄辭乃謝曰吏事方驗而出之於是使使持節

赦絳侯復爵邑絳侯既出曰吾嘗將百萬軍然安知

獄吏之貴乎絳侯復就國孝文帝十一年卒謚為武

侯子勝之代侯六歲尚公主不相中集解如淳曰猶言不相合當也

坐殺人國除絕一歲文帝乃擇絳侯勃子賢者河內

守亞夫封為條侯集解徐廣曰表皆作藩字駟案服虔曰藩音條索隱地理志修縣屬

渤海郡正義括地志云故蓀城俗名續絳侯後條侯

亞夫自未侯為河內守時許負相之索隱應劭云河

姚氏按楚漢春秋高祖封負為曰君後三歲而侯侯

八歲為將相持國秉音榭貴重矣於人臣無兩其後

九歲而君餓死亞夫笑曰臣之兄已代父侯矣有如

卒子當代亞夫何說侯乎然既已貴如負言又何說

餓死指示我許負指其口曰有從理入口索隱從音

理橫此餓死法也居三歲其兄絳侯勝之有罪孝文

帝擇絳侯子賢者皆推亞夫乃封亞夫為條侯續絳

侯後文帝之後六年匈奴大入邊乃以宗正劉禮為

將軍軍霸上正義霸陵即霸上按霸陵祝茲

侯徐厲為將軍軍棘門正義孟康云秦時宮也括地

王門以河內守亞夫為將軍軍細柳正義括地志云

咸陽縣西南以備胡上自勞軍至霸上及棘門軍直

馳入將以下騎送迎已而之細柳軍軍士吏被甲銳

兵刃彀弓弩持滿索隱彀張也天子先驅至不得入先驅

曰天子且至軍門都尉曰將軍令曰軍中聞將軍令

不聞天子之詔索隱六韜云軍中居無何上至又不

得入於是上乃使使持節詔將軍吾欲入勞軍亞夫

乃傳言開壁門壁門士吏謂從屬車騎曰將軍約軍

中不得驅馳於是天子乃按轡徐行至營將軍亞夫

持兵揖曰介冑之士不拜請以軍禮見禮介者不拜

索隱應劭云左傳晉卻克三肅使者而退杜預注肅若今擡鄭衆注周禮肅拜云但俯下手今時擡是

天子為動改容式車索隱軾者車前橫木若使人稱

謝皇帝敬勞將軍成禮而去既出軍門羣臣皆驚文

帝曰嗟乎此真將軍矣曩者霸上棘門軍若兒戲耳

其將固可襲而虜也至於亞夫可得而犯邪稱善者

久之月餘三軍皆罷乃拜亞夫為中尉漢書百

秦掌徵巡京師武帝太初元年更名執金吾應劭云吾者禦也掌執金吾以禦非常顏師古云金吾鳥名

主辟不祥天子出行職主先導以備非常故執此鳥之象因以名官也孝文且崩時誠

太子曰即有緩急周亞夫真可任將兵文帝崩拜亞

夫為車騎將軍孝景三年吳楚反亞夫以中尉為太

尉漢書百官主云太尉秦官掌武元狩四年置

也東擊吳楚因自請上曰楚兵剽輕至淮陽問鄧都

尉為畫此計亞夫從之今此云自請者蓋此亦聞疑

難與爭鋒願以梁委之兵不得過也亦有作餒音亦

通絕其糧道乃可制上許之太尉既會兵滎陽吳方

攻梁梁急請救太尉引兵東北走昌邑深壁而守梁

日使使請太尉太尉守便宜不肯往梁上書言景帝

景帝使使詔救梁太尉不奉詔堅壁不出而使輕騎

兵弓高侯等韓頤當也絕吳楚兵後食道吳

兵乏糧飢數欲挑戰終不出夜軍中驚內相攻擊擾

亂至於太尉帳下太尉終臥不起頃之復定後吳奔

壁東南陬音鄒又音子太尉使備西北已

而其精兵果奔西北不得入吳兵既餓乃引而去太

尉出精兵追擊大破之吳王濞棄其軍而與壯士數

千人亡走保於江南丹徒紫地地理志云丹徒屬會稽

潤州丹徒縣東南十八里漢丹徒縣也晉太康地志

云吳王濞反走丹徒越人殺之於城南徐州記云

秦使赭衣鑿其地因謂之丹徒鑿處今在故縣西北

六里丹徒峴東南連巨盤紆屈曲有象龍形故秦鑿

絕項闊百餘步又夾坑龍首以毀其形漢兵因乘勝

坑之所在即今龍月二湖悉成田也

遂盡虜之降其兵購吳王金月餘越人斬吳王頭

以告凡相攻守三月而吳楚破平正義越人即丹徒

屬楚秦滅楚後置三十六郡丹徒於是諸將乃以太

尉計謀為是由此梁孝王與太尉有郤歸復置太尉

官五歲遷為丞相景帝甚重之景帝廢栗太子丞相

固爭之不得景帝由此疏之而梁孝王每朝常與太

后言條侯之短竇太后曰皇后兄王信可侯也景帝

讓曰始南皮章武侯集解贊曰南皮竇彭祖太后先

帝不侯及臣卽位乃侯之信未得封也竇太后曰人

主各以時行耳索隱謂人主各當其時而行事不自

竇長君在時竟不得侯死後乃封其子彭祖顧得侯

索隱許慎注淮南子云顧反也吾甚恨之帝趣侯信也景帝曰請得

與丞相議之丞相議之亞夫曰高皇帝約非劉氏不

得王非有功不得侯不如約天下共擊之今信雖皇

后兄無功侯之非約也景帝默然而止其後匈奴王

徐盧等五人降景帝欲侯之以勸後丞相亞夫曰彼

背其主降陛下陛下侯之則何以責人臣不守節者

乎景帝曰丞相議不可用乃悉封徐盧等為列侯索隱

功臣表唯徐盧封容城侯亞夫因謝病景帝中三年以病免相頃

之景帝居禁中召條侯賜食獨置大胾集解韋昭曰

側吏反條侯音也無切肉又不置櫡條侯心不平顧

李轉反謂肉條音也無切肉又不置櫡條侯心不平顧

謂尚席取箸

集解應劭曰尚席主席者武帳帷幔也顧氏按

禮曰羹之作箸箸者用挾挾亦箸之類故鄭玄云今人

謂箸為也景帝視而笑曰此非不足君所乎

集解孟康曰設載無

足君之此非不足偶失之君所乎嫌恨之如淳曰非故不

意於君有不足乎故如淳云非笑也若本不為食具偶

失之耳蓋當然也所以帝視而笑也若本不為食具偶

別有辭未必為之笑也孟康晉灼雖探古人之情亦

未必能得其實顧氏亦同孟氏之說又引魏武賜荀

或虛說也條侯免冠謝上起條侯因趨出景帝以目

送之曰此快快者非少主臣也居無何條侯子為父

買工官尚方集解徐廣曰一作西索隱工官即尚方

甲楯五百被集解徐廣曰音披駟案如淳曰工官可

以葬者取庸苦之不予錢庸知其盜買縣官器索隱

謂天子也所以謂國家為縣官者夏官王畿怒而上

變告子事連汗條侯索隱汗音書既聞上上下下吏吏

簿責條侯集解如淳曰條侯不對景帝罵之曰吾不

用也集解孟康曰不用汝對欲殺之也如淳曰恐獄

兩解大顏以孟說為得而姚察又別一解云帝責此

吏不得亞夫直辭以為不足任用故召亞夫別詰廷

尉使召詰廷尉正義景帝見條侯不對簿因責罵之

責問正義召詰廷尉曰吾不任用汝也故召詰廷尉使重

推劾耳餘廷尉責曰君侯欲反邪亞夫曰臣所買器

說皆非也乃葬器也何謂反邪吏曰君侯縱不反地上即欲反

地下耳吏侵之益急初吏捕條侯條侯欲自殺夫人

止之以故不得死遂入廷尉因不食五日嘔血而死

國除絕一歲景帝乃更封絳侯勃他子堅為平曲侯

續絳侯後十九年卒諡為共侯子建德代侯十三年

為太子太傅坐酎金不善元鼎五年有罪國除集解徐廣

曰諸列侯坐酎金失侯者皆在元鼎五年但此辭句

史

記 卷五十七

九 中華書局聚

珍做宋版印

至元鼎五年坐耐金又失侯條侯果餓死死後景帝

乃封王信為蓋侯

太史公曰絳侯周勃始為布衣時鄙朴人也才能不

過凡庸及從高祖定天下在將相位諸呂欲作亂勃

匡國家難復之乎正雖伊尹周公何以加哉亞夫之

用兵持威重執堅忍穰苴曷有加焉足己而不學

亞夫所以己之智謀足而虛己不學守節不遜

謂爭栗太子不封王信徐獄是也終以窮困悲夫

索隱述贊曰絳侯佐漢質厚敦篤始擊賜東亦圍

尸北所攻必取所討咸克陳稀伏誅臧荼破國事

居送往推功伏德列侯就第太子代辱

相條侯紹封平曲惜哉賢將父子代辱

史記卷五十七

史記卷五十七考證

絳侯周勃世家擊反者燕王臧荼○臣照案馬遷書反者燕王臧荼及韓王信皆以明韓信輩之不反至本傳則從國史所書俾兩不相揜

亞夫東擊吳楚因自請上曰索隱漢書亞夫至淮陽問鄧都尉爲畫此計亞夫從之今此云自請者蓋此亦聞疑而傳疑漢史得其實也○臣照按鄧都尉畫計見吳王濞傳馬遷固已兩存其說矣況從人之畫究須自請索隱之說贅

坐酎金不善元鼎五年有罪國除○顧炎武曰當云元鼎五年坐酎金不善國除衍有罪二字

史記卷五十七考證

史記卷五十五
 漢書卷五十五
 後漢書卷五十五
 宋書卷五十五
 齊書卷五十五
 梁書卷五十五
 陳書卷五十五
 魏書卷五十五
 周書卷五十五
 隋書卷五十五
 南史卷五十五
 北史卷五十五
 舊唐書卷五十五
 新唐書卷五十五
 舊五代史卷五十五
 新五代史卷五十五
 宋史卷五十五
 遼史卷五十五
 金史卷五十五
 元史卷五十五
 明史卷五十五
 清史稿卷五十五

史記卷五十八

漢 太史 令司馬遷 撰

宋 中郎外兵曹參軍裴駙集解

唐 國子博士弘文館學士司馬貞索隱

唐 諸王侍讀率府長史張守節正義

梁孝王世家第二十八

梁孝王武者孝文皇帝子也而與孝景帝同母母竇

太后也孝文帝凡四男長子曰太子是為孝景帝次

子武次子參次子勝漢書勝作揖又云諸姬生

衆妾卑賤史不書孝文帝即位二年以武為代王

徐廣曰都中都正義括地志云中以參為太原王

徐廣曰都中都正義括地志云中以參為太原王

城是以勝為梁王集解徐廣曰都睢陽索隱漢書梁

史記 卷五十八 中華書局聚

王名勝是史記誤耳括地志云宋州宋城縣在

州南二里外城中本漢之陳國城也睢陽故改曰梁也二歲徙代王為淮陽王廣曰都

陳國城也即古以代盡與太原王號曰代王參立十七

年孝文後二年卒諡為孝王子登嗣立是為代共王

立二十九年元光二年卒子義立是為代王十九年

漢廣關以常山為限而徙代王王清河集解徐廣曰

括地志云清陽故城在清河王徙以元鼎三年也初

武為淮陽王十年而梁王勝卒諡為梁懷王懷王最

少子愛幸異於他子其明年徙淮陽王武為梁王梁

王之初王梁孝文帝之十二年也梁王自初王通歷

已十一年矣又徙梁通數文帝二年初封代後徙淮陽

為十一年也梁王十四年入朝十七年十八年比年入朝

留其明年乃之國二十一年入朝二十二年孝文帝

崩二十四年入朝二十五年復入朝是時上未置太

子也上與梁王燕飲嘗從容言曰千秋萬歲後傳於

王王辭謝雖知非至言然心內喜太后亦然其春吳

楚齊趙七國反吳楚先擊梁棘壁集解文穎曰地名棘壁是也括地志云大棘杜預云在襄邑東南蓋即

公二年宋華元戰于大棘故城在宋州寧陵縣

西南七十里殺數萬人梁孝王城守睢陽而使韓安國張

羽等為大將軍以距吳楚吳楚以梁為限不敢過而

西與太尉亞夫等相距三月吳楚破而梁所破殺虜

略與漢中分集解駟案漢書音義曰梁所虜吳楚之捷略與漢等明年漢立太

子其後梁最親有功又為大國居天下膏腴地地北

界泰山西至高陽集解徐廣曰在陳留圍縣駟案司馬彪曰圍有高陽亭也屬陳留高陽鄉名也注引司

馬彪者出續漢書郡國志也四十餘城皆多大縣孝

王竇太后少子也愛之賞賜不可勝道於是孝王築

東苑以東者何蓋以東方生物故也所方三百餘里

蓋言其奢非實辭或者梁國封域之方正義括地志

云苑園在宋州宋城縣東南十里葛洪西京雜記云

梁孝王苑中有落援巖栖龍岫鴈池鶴洲鳧島諸宮

觀相連奇果佳樹瑰禽異獸靡不畢備俗人言梁孝

王竹也廣睢陽城七十里地理記云城方十三里梁孝

王築之鼓倡節杵而後下和之者稱睢陽曲今大治

踵以爲故所以樂家有睢陽曲蓋採其遺音也

宮室爲複道自宮連屬於平臺五十餘里集解徐廣

平臺里駟案如淳曰在梁東北離宮所在也晉灼曰

或說在城中東北角索隱如淳曰在梁東北離宮所

在也按今城東二十里臨新河有故臺址不甚高俗

云平臺又一名脩竹院西京雜記云有落猿巖鳧洲

漢

十餘里是也

得賜天子旌旗出從千乘萬騎

官儀云

天子

東西馳獵擬於天子

出言

入言警

則傳蹕止人清道言出入者互文耳

招延四方豪傑自山以東游說之士莫不畢至

齊人羊勝公孫詭鄒陽之屬公孫詭多奇邪計

周禮

禮

有奇衰之人鄭玄云奇衰音誦怪初見王賜千金官至

中尉梁號之曰公孫將軍梁多作兵器弩弓矛數十

萬而府庫金錢且百巨萬索隱如淳曰巨亦大與大

萬今萬珠玉寶器多於京師二十九年十月梁孝王入

朝景帝使使持節乘輿駟馬迎梁王於闕下集解鄧

將駟馬往瓚曰稱乘輿駟馬則車馬皆既朝上疏因

留以太后親故王入則侍景帝同輦出則同車游獵

射禽獸上林中梁之侍中郎謁者著籍引出入天子

殿門與漢宦官無異正義著竹略反籍謂名簿十一

月上廢栗太子竇太后心欲以孝王為後嗣大臣及

袁盎等有所關說於景帝索隱袁盎有所關涉之說於

帝也一云關者隔也引事竇太后議格集解如淳曰

閣周成張晏云格止也服虔云格謂格閣不行蘇林音

又字林音紀亦遂不復言以梁王為嗣事由此以事祕

世莫知乃辭歸國其夏四月上立膠東王為太子梁

王怨袁盎及議臣乃與羊勝公孫詭之屬陰使人刺

殺袁盎及他議臣十餘人逐其賊未得也於是天子

意梁王疑梁刺之逐賊果梁使之乃遣使冠蓋相望

於道覆按梁捕公孫詭羊勝公孫詭羊勝匿王後宮

使者責二千石急梁相軒邱豹及內史韓安國進諫

王邱名豹也王乃命勝詭皆自殺出之上由此怨望

於梁王梁王恐乃使韓安國因長公主謝罪太后然

後得釋上怒稍解因上書請朝既至關茅蘭說王

翻案漢書音義使乘布車集解張晏曰布車從兩騎

入匿於長公主園漢使使迎王王已入關車騎盡居

外不知王處太后泣曰帝殺吾子景帝憂恐於是梁

王伏斧質於闕下謝罪然後太后景帝大喜相泣復如故悉召王從官入闕然景帝益疏王不同車輦矣三十五年冬復朝上疏欲留上弗許歸國意忽忽不

樂北獵良山

索隱漢書作梁山述征記云良山際清

也正義

括地志云梁山在鄆州有獻牛足出背上

壽張縣南十五里即獵處也有獻牛足出背上

張晏云足當處下所以輔身也今出背上象孝王背

朝以干上也北者陰也又在梁山明為梁也牛者丑

之畜衝在六月北方數孝王惡之六月中病熱六日

六故六月六日薨也卒諡曰孝王

索隱述征記碣石有梁孝王之冢

口不能食居不安寢常欲留長安侍太后太后亦愛之及聞梁王薨竇太后哭極哀不食曰帝果殺吾子

景帝哀懼不知所為與長公主計之乃分梁為五國

索隱

長子買梁共王子明濟川王子彭盡立孝王男

五人為王女五人皆食湯沐邑於是奏之太后太后

乃說為帝加壹澆梁孝王長子買為梁王是為共王
子明為濟川王子彭離為濟東王子定為山陽王子
不識為濟陰王孝王未死時財以巨萬計不可勝數
及死藏府餘黃金尚四十餘萬斤他財物稱是梁共
王三年景帝崩共王立七年卒子襄立是為平王

梁平王襄漢書作讓十四年母曰陳太后共王母曰李

太后李太后親平王之大母也而平王之后姓任曰

任王后任王后甚有寵於平王襄初孝王在時有壘

樽直千金集解鄭德曰上蓋刻為雲雷象應劭

之飾孝王誠後世善保壘樽無得以與人任王后聞而

欲得壘樽平王太母李太后曰先王有命無得以壘

樽與人他物雖百巨萬猶自恣也任王后絕欲得之

平王襄直使人開府取壘樽賜任王后李太后大怒

漢使者來欲自言平王襄及任王后遮止閉門李太

后與爭門措指集解音灼曰許慎措置措以爲竿

前隊皆作此字說文云遂不得見漢使者李太后亦

私與食官長及郎中尹霸等士通亂張先生舊

疑是衍字又不敢除故以朱大點其字中心今按食

官長及郎中尹霸等是士人太后與通亂其義亦通

也而王與任王后以此使人風止李太后李太后內

有淫行亦已後病薨病時任后未嘗請病薨又不持

喪元朔中睢陽人類犴反者索隱韋昭云犴音岸按

友或作人有辱其父而與淮陽太守客出同車太守客

出下車類犴反殺其仇於車上而去淮陽太守怒以

讓梁二千石二千石以下求反甚急執反親戚反知

國陰事乃上變事具告知王與大母爭樽狀時丞相

以下具知之欲以傷梁長吏其書聞天子天子下吏

驗問有之公卿請廢襄爲庶人天子曰李太后有淫
行而梁王襄無良師傅故陷不義乃削梁八城梟任
王后首于市梁餘尚有十城襄立三十九年卒諡爲
平王子無傷立爲梁王也

濟川王明者梁孝王子以桓邑侯

陸隱地理志桓邑闕

孝景中

六年爲濟川王七歲坐射殺其中尉漢有司請誅天
子弗忍誅廢明爲庶人遷房陵地入于漢爲郡

濟東王彭離者梁孝王子以孝景中六年爲濟東王

二十九年彭離驕悍無人君禮昏暮私與其奴亡命

少年數十人行剽殺人取財物以爲好

集解如淳曰以是爲好喜

事所殺發覺者百餘人國皆知之莫敢夜行所殺者
子上書言漢有司請誅上不忍廢以爲庶人遷上庸

地入于漢爲大河郡

山陽哀王定者梁孝王子以孝景中六年爲山陽王九年卒無子國除地入于漢爲山陽郡

濟陰哀王不識者梁孝王子以孝景中六年爲濟陰王一歲卒無子國除地入于漢爲濟陰郡

太史公曰梁孝王雖以親愛之故王膏腴之地然會漢家隆盛百姓殷富故能植其財貨廣宮室車服擬於天子然亦僭矣

褚先生曰臣爲郎時聞之於宮殿中老郎吏好事者稱道之也竊以爲令梁孝王怨望欲爲不善者事從中生今太后女主也以愛少子故欲令梁王爲太子大臣不時正言其不可狀阿意治小私說意以受賞賜非忠臣也齊如魏其侯竇嬰之正言也

索隱

竇嬰袁盎皆言如周家立子不合立弟

何以有後禍景帝與王

燕見侍太后飲景帝曰千秋萬歲之後傳王太后喜說竇嬰在前據地言曰漢法之約傳子適孫今帝何以得傳弟擅亂高帝約乎於是景帝默然無聲太后意不說故成王與小弱弟立樹下取一桐葉以與之曰吾用封汝周公聞之進見曰天王封弟甚善成王曰吾直與戲耳周公曰人主無過舉不當有戲言言之必行之於是乃封小弟以應縣

索隱此說與晉世家不同事與封叔虞同彼云封唐此云封應應亦成王之弟或別有所見故不同

正義括地志云故應城故應鄉也在汝州魯山縣東四十里呂氏春秋云成王戲削桐葉為圭以封

叔虞非應侯也又汲冢古文云是後成王沒齒不殷時已有應國非成王所造也

敢有戲言言必行之孝經曰非法不言非道不行此聖人之法言也今主上不宜出好言於梁王梁王上有太后之重驕蹇日久數聞景帝好言千秋

萬世之後傳王而實不行又諸侯王朝見天子漢法凡當四見耳始到入小見到正月朔日奉皮薦璧玉賀正月法見後三日爲王置酒賜金錢財物後二日復入小見辭去凡留長安不過二十日小見者燕見於禁門內飲於省中非士人所得入也今梁王西朝因留且半歲入與人主同輦出與同車示風以大言而實不與令出怨言謀畔逆乃隨而憂之不亦遠乎非大賢人不知退讓今漢之儀法朝見賀正月者常一王與四侯俱朝見十餘歲一至今梁王常比年入朝見久留鄙語曰驕子不孝非惡言也故諸侯王當爲置良師傅相忠言之士如汲黯韓長孺等敢直言極諫安得有患害蓋聞梁王西入朝謁竇太后燕見與景帝俱侍坐於

太后前語言私說太后謂帝曰吾聞殷道親親周

道尊尊其義一也

索隱

殷人尚質親謂親其弟而授之周人尚文尊尊謂尊祖

之正體故立其子尊其祖也

安車大駕用梁孝王為寄景帝跪

席舉身曰諾罷酒出帝召袁盎諸大臣通經術者

曰太后言如是何謂也皆對曰太后意欲立梁王

為帝太子帝問其狀袁盎等曰殷道親親者立弟

周道尊尊者立子殷道質質者法天親其所親故

立弟周道文文者法地尊者敬也敬其本始故立

長子周道太子死立適孫殷道太子死立其弟帝

曰於公何如皆對曰方今漢家法周周道不得立

弟當立子故春秋所以非宋宣公宋宣公死不立

子而與弟弟受國死復反之與兄之子弟之子爭

之以為我當代父後即刺殺兄子以故國亂禍不

絕故春秋曰君子大居正宋之禍宣公爲之臣請見太后白之袁盎等入見太后太后言欲立梁王梁王卽終欲誰立太后曰吾復立帝子袁盎等以宋宣公不立正生禍禍亂後五世不絕小不忍害大義狀報太后太后乃解說卽使梁王歸就國而梁王聞其議出於袁盎諸大臣所怨望使人來殺袁盎袁盎顧之曰我所謂袁將軍者也公得毋誤乎刺者曰是矣刺之置其劍劍著身視其劍新治問長安中削厲工工曰梁郎某子來治此劍

梁謂梁

國之郎是孝王官屬某子史失其姓名也

以此知而發覺之發使者捕

逐之獨梁王所欲殺大臣十餘人文吏窮本之謀反端頗見太后不食日夜泣不止景帝甚憂之問公卿大臣大臣以爲遣經術吏往治之乃可解於

是遣田叔呂季主往治之此二人皆通經術知大

禮來還至霸昌廐

正義

括地志云漢霸昌廐在

雍州萬年縣東北

三十八里取

火悉燒梁之反辭但空手來對景帝景帝曰何如

對曰言梁王不知也造為之者獨其幸臣羊勝公

孫詭之屬為之耳謹以伏誅死梁王無恙也景帝

喜說曰急趨謁太后太后聞之立起坐滄氣平復

故曰不通經術知古今之大禮不可以為三公及

左右近臣少見之人如從管中窺天也

索隱

述贊曰文帝少子徙封於梁太后鍾愛廣築

睢陽旌旗警蹕勢擬天王功扞吳楚計醜孫羊竇

嬰正議袁盎劫傷漢窮梁獄冠蓋相望禍

成驕子致此猖狂雖分五國卒亦不昌

禍

孫羊竇

寶

史記卷五十八考證

梁孝王世家乃使韓安國因長公主謝罪太后○歸
有光曰安國傳因長公主謝太后事在前非為勝
詭事

使乘布車集解張晏曰布車降服自比喪人○顧炎
武曰乘布車謂微服而行使人不知耳無降服自
比喪人之意

史記卷五十八考證

史記卷五十九

漢 太 史 令司馬遷 撰

宋 中 郎外 兵曹參軍裴 駟集解

唐 國子博士弘文館學士司馬貞索隱

唐 諸王侍讀率府長史張守節正義

五宗世家第二十九

索隱 景帝子十四人 一武帝餘十三人為王 漢書謂之景十三王 此名五宗者十三人為王

王其母五人同 母者為宗也

孝景皇帝子凡十三人為王而母五人同母者為宗

親栗姬子曰榮德闕于 索隱 闕音渴 漢書無于字 程姬子曰餘非

端賈夫人子曰彭祖勝唐姬子曰發王夫人兒姁子

曰越寄乘舜 索隱 姁音況羽反兒姁 夫人名王皇后之妹也

河間獻王德以孝景帝前二年用皇子為河間王 索隱

漢書云大行令奏謚好儒學被服造次必於儒者山

東諸儒多從之游二十六年卒集解駟案漢名臣奏

經術通明被積德累行天下雄俊眾儒皆歸之孝武帝

時獻王朝被服造次必於仁義問以五策獻王輒對

無窮孝武帝艱然難之謂獻王曰湯以七十文王

百里王其勉之王知其意歸即縱酒聽樂因以終索

問以五策按漢書詔策問三十餘事被服造次按

卒子頃王授代立索隱漢書云頃音傾

臨江哀王闕于以孝景帝前二年用皇子為臨江王

三年卒無後國除為郡

臨江閔王榮以孝景前四年為皇太子四歲廢用故

太子為臨江王四年坐侵廟壩垣為宮索隱服虔云

祖於江陵北門索隱祖者行神行之祭之故曰祖也

代為王初好音輿馬晚節嗇正義晚節猶言未惟恐

不足於財

江都易王非以孝景前二年用皇子為汝南王索隱謚法

好更故舊曰易吳楚反時非年十五有材力上書願擊吳景

帝賜非將軍印擊吳吳已破二歲徙為江都王治吳

故國以軍功賜天子旌旗元光五年匈奴大入漢為

賊非上書願擊匈奴上不許非好氣力治宮觀招四

方豪傑驕奢甚立二十六年卒子建建立為王七年自

殺淮南衡山謀反時建頗聞其謀自以為國近淮南

恐一日發為所并即陰作兵器而時佩其父所賜將

軍印載天子旗以出易王死未葬建有所說易王寵

美人淖姬集解蘇林曰淖音反夜使人迎與姁服舍中

索隱淖音女教反淖姬姓也齊有淖齒是也漢書及淮

云建

南事發治黨與頗及江都王建建恐因使人多持金錢事絕其獄而又信巫祝使人禱祠妄言建又盡與其姊弟姦子婦以漢書云建女弟徵臣為蓋侯事既聞漢公卿請捕治建天子不忍使大臣即訊王王服所犯遂自殺國除地入于漢為廣陵郡

膠西于王端以孝景前三年吳楚七國反破後端用

皇子為膠西王榮隱按逸周書謚法端為人賊戾又

陰痿不能御婦人一近婦人病之數月而有愛幸少

年為郎為郎者頃之與後宮亂端禽滅之及殺其子

母數犯上法漢公卿數請誅端天子為兄弟之故不

忍而端所為滋甚有司再請削其國去太半端心愠

遂為無訾省集解蘇林曰為無所訾錄無所省錄

錄資府庫壞漏盡腐財物以巨萬計終不得收徒令

吏毋得收租賦端皆去衛索隱謂不封其宮門從一

門出游數變名姓為布衣之他郡國相二千石往者

奉漢法以治端輒求其罪告之無罪者詐藥殺之所

以設詐究變索隱究窮也故郭璞云究謂窮盡疆足以距諫智足以

飾非相二千石從王治則漢繩以法故膠西小國而

所殺傷二千石甚眾立四十七年卒竟無男代後國

除地入于漢為膠西郡

右三國本王皆程姬之子也

趙王彭祖以孝景前二年用皇子為廣川王趙王遂

反破後彭祖王廣川四年徙為趙王十五年孝景帝

崩彭祖為人巧佞卑諂足恭而心刻深索隱刻害好

法律持詭辯以中人索隱謂詭詐之人彭祖多內寵姬

及子孫相二千石欲奉漢法以治則害於王家是以

每相二千石至彭祖衣阜布衣自行迎除二千石舍

索隱謂彭祖自為二千石掃除其舍以迎之也多設疑事以作動之得二千

石失言中忌諱輒書之二千石欲治者則以此迫劫

不聽乃上書告及汙以姦利事彭祖立五十餘年相

二千石無能滿二歲輒以罪去大者死小者刑以故

二千石莫敢治而趙王擅權使使即縣為賈人權會

集解韋昭曰平會兩家買賣之賈也權者禁他家獨

王家得為之索隱權音角獨言權謂酷權也會音儉

古外反謂為賈人專權買賣之賈儉以取利若

今之知市矣韋昭則訓權為平其注解亦得入多

於國經租稅索隱經常也謂王家入以是趙王家多

金錢然所賜姬諸子亦盡之矣彭祖取故江都易王

寵姬王建所盜與姦淖姬者為姬甚愛之彭祖不好

治宮室襪祥集解服虔曰求福也索隱按埤蒼云襪

鬼神越信好為吏事上書願督國中盜賊常夜從走

機祥者也史記卷五十九 四一中華書局聚

卒行徼索隱上下孟反下工弔反徼是邯鄲中諸使

過客以彭祖險陂莫敢留邯鄲其太子丹與其女及

同產姊姦與其客江充有郤充告丹丹以故廢趙更

立太子

中山靖王勝以孝景前三年用皇子為中山王十四

年孝景帝崩勝為人樂酒五教反好內有子枝屬百

二十餘人常與兄趙王相非曰兄為王專代吏治事

王者當日聽音樂聲色趙王亦非之曰中山王徒日

淫不佐天子拊循百姓何以稱為藩臣立四十二年

卒索隱漢書建元三年濟川中山王等來朝聞樂而泣天子問其故對以大臣內讒肺腑日疎其言甚

雄壯詞切而理文天子加親親之好可謂漢之英藩矣子哀王昌立一年卒子

昆侈代為中山王索隱漢書昆侈諡康王子頃王輔嗣至孫國除也

右二國本王皆賈夫人之子也

長沙定王發發之母唐姬故程姬侍者景帝召程姬

程姬有所辟不願進羣妾以次進御有月事者止不

御更不口說故以丹注面目的為識令女史見之

王察神女賦以為脫桂裳免簪笄施玄的結羽釵的

漢卸釋名所云也說文云婢女汚也而飾侍者唐兒使

夜進上醉不知以為程姬而幸之遂有身已乃覺非

程姬也及生子因命曰發以孝景前二年用皇子為

長沙王以其母微無寵故王卑濕貧國景帝後二年

諸王來朝有詔更前稱壽歌舞定王但張袖小舉手

左右笑其拙上怪問之對曰臣國小地狹不足迴旋

帝以武陵屬焉立二十七年卒子康王庸立二十八年

卒子鮒鮒立集解服虔為長沙王右一國本王唐姬之子也

廣川惠王越以孝景中二年用皇子為廣川王十二年卒子齊立為王宋隱漢書齊謚繆王繆齊有幸臣桑

距已而有罪欲誅距距亡王因禽其宗族距怨王乃

上書告王齊與同產姦自是之後王齊數上書告言

漢公卿及幸臣所忠等去嗣坐暴虐勃亂國除也

所忠
姓名

膠東康王寄以孝景中二年用皇子為膠東王二十

八年卒淮南王謀反時寄微聞其事私作樓車鏃矢

戰守備候淮南之起國營壘之虛實也

登樓車以窺宋人謂看敵國營壘之虛實也及吏

治淮南之事辭出之治其辭出此事寄於上最親

徐廣曰其母武帝母妹正義寄母王夫人即王皇意

傷之發病而不敢置後於是上問寄有長子者名

賢母無寵少子名慶母愛幸寄常欲立之為不次因

有過遂無言上憐之乃以賢為膠東王奉康王嗣而

封慶於故衡山地為六安王膠東王賢立十四年卒

諡為哀王子慶為王集解徐廣曰他本亦作慶字准一本作建不宜得與叔父同名

相承之誤六安王慶以元狩二年用膠東康王子為六安

王

清河哀王乘以孝景中三年用皇子為清河王十二

年卒無後國除地入于漢為清河郡

常山憲王舜以孝景中五年用皇子為常山王舜最

親景帝少子驕怠多淫數犯禁上常寬釋之立三十

二年卒太子勃代立為王初憲王舜有所不愛姬生

長男稅蘇林曰音奪稅以母蘇林曰音奪

無寵故亦不得幸於王王后脩生太子勃王內多所

幸姬生子平子商王王后希得幸及憲王病甚諸幸

姬常侍病故王后亦以妒媚不常侍病報反鄒氏音上

媚郭璞註三蒼云媚丈夫妒也又云妒女為媚輒歸舍醫進藥太子勃不自

嘗藥又不宿留侍病及王薨王后太子乃至憲王雅

不以長子稅為人數及薨又不分與財物郎或說太

子王后令諸子與長子稅共分財物太子王后不聽

太子代立又不收恤稅稅怨王后太子漢使者視憲

王喪稅自言憲王病時王后太子不侍及薨六日出

舍傳解如淳曰服舍也太子勃私姦飲酒博戲擊筑與女子載

馳環城過市入牢視囚天子遣大行騫騫按是張騫驗王

后及問王勃請逮勃所與姦諸證左王又匿之吏求

捕勃大急使人致擊笞掠擅出漢所疑囚者有司請

誅憲王后脩及王勃上以脩素無行使稅陷之罪勃

無良師傅不忍誅有司請廢王后脩徙王勃以家屬

處房陵上許之勃王數月遷于房陵國絕月餘天子

爲最親乃詔有司曰常山憲王蚤天后妾不和適孽
誣爭陷于不義以滅國朕甚閔焉其封憲王子平三
萬戶爲真定王封子商三萬戶爲泗水王泗水海州
真定王平元鼎四年用常山憲王子爲真定王泗水
思王商以元鼎四年用常山憲王子爲泗水王十一
年卒子哀王安世立十一年卒無子於是上憐泗水
王絕乃立安世弟賀爲泗水王

右四國本王皆王夫人兒姁子也其後漢益
封其支子爲六安王泗水王二國凡兒姁子
孫於今爲六王

太史公曰高祖時諸侯皆賦

集解徐廣曰國所得自出有皆入於王也

除內史以下漢獨爲置丞相黃金印諸侯自除御史
廷尉正博士擬於天子自吳楚反後五宗王世漢爲

史記卷五十九考證

五宗世家入多於國經租稅索隱經常也謂王家入多於國家常納之租稅○徐孚遠曰索隱不明謂王專權會之利故市租之入反多於田租也

史記卷五十九考證